

SAMOA

Faatulagaina o Aiaiga

VAEGA I **FAATOMUAGA**

1. Igoa puupuu ma le amataga
2. Faamatalaina o uiga o upu
3. Faamoemoe o le Tulafono ma matafaioi faavae a loia

VAEGA II **O LE SOSAIETE O LOIA A SAMOA**

4. Faaauauina o le Sosaiete a Loia
5. Galuega tauave a le Sosaiete a Loia
6. Tiute tauave ma malosiaga o le Sosaiete a Loia
7. Tulafono faafloe mo amioga tau le galuega
8. Fonotaga a le Sosaiete a Loia
9. Taualumaga mo le faamaonia o Tulafono Faafloe po o ni lafo faatu e ala i faasilasilaga
10. Fono a le Sosaiete a Loia
11. Fonotaga a le Fono
12. Aia Feteenai
13. O galuega tauave, malosiaga ma tiute tauave o le Fono
14. Teugatupe a le Sosaiete a Loia

VAEGA III **TUSI E FAAMAU AI SUAFA O LOIA MA LOIA FAUFAUTUA**

15. Ia tausia e le Resitara tusi e faamau ai suafa o loia ma loia faufautua
16. O le tusia o igoa i le tusi e faamau ai suafa
17. O le aveeseina ma le tuuiseina o igoa mai le tusi e faamau ai suafa
18. Toe faaofiina o igoa i le tusi e faamau ai suafa
19. O le toe ililoina o le tusi e faamau ai suafa i luga o se talosaga tetee
20. Aveeseina o le igoa i lana lava talosaga
21. O le toe faaofiina o igoa i tusi e faamau ai suafa
22. Totogifuapauina o le toe faaofiina o igoa

VAEGA IV **O LE FAAULUINA O LOIA**

23. Uiga agavaa lautele mo le faauluina

- 24. Faauluina ma le faamauina o le igoa i le tusi e faamau ai suafa o loia e galulue tumau
- 25. O le faauluina ma le faamauina o igoa i le tusi e faamau ai suafa o loia e galulue lē tumau
- 26. Talosaga mo le faauluina
- 27. O le faauluina
- 28. Tautoga o le faauluina
- 29. Tapulaa e uiga i nisi talosaga
- 30. Totogifuapauina o le faauluina

VAEGA V **O LE GALUEGA FAA-LOIA**

- 31. Tulaga aloaia o loia ma loia faufautua
- 32. Aia tatau e galue ai faa-loia
- 33. Tapulaa i luga o aia tatau a loia e amata galue ai i lana faitalia i se galuega faa-loia tutoatasi
- 34. Loia galue toatasi
- 35. Tuuina atu ma le faalēaogāina o tusi faamaoni faaletausaga e galue ai
- 36. Totogifuapauina faaletausaga e galue ai

VAEGA VI **TEUGATUPE** **TAUSI A LOIA**

- 37. Ia totogi atu e le loia tupe a tagata o lo o faaaogāina le auauanga i totonu o teugatupe tausi i se faletupe
- 38. Pulea o le teugatupe tausi i nisi itu
- 39. Sueina faasuetusi o teugatupe tausi

VAEGA VII **MATAUPU TAU LE** **FAAFOEGA O** **AMIOGA PULEA**

Vaevaega 1 - Tulaga Lautele

- 40. Faamatalaina o uiga o upu
- 41. Amioga e lē tatau ai tau le galuega
- 42. Amioga e lē tusa ai tau le galuega
- 43. Tauleagavaaina mo le Komiti o Faasea ma le komisi faamasino e faatonutonuina amio
- 44. Totogi

Vaevaega 2 - Faasea, Suesuega ma ma le Komiti o Faasea ma Suesuega

- 45. Faasea ma le taofia lē tumau
- 46. Ia logoina le tagata ua faasea ma mafuaaga mo faaiuga
- 47. Komiti o Faasea ma Suesuega
- 48. Nisi faamatalaga
- 49. Faalēaogāina po o le foia o faasea
- 50. Suesuega
- 51. Tuuaiga ma moliaga faaletulafono

Vaevaega 3 - Komisi Faamasino e Faatonutonuina Amio a Loia

- 52. Komisi faamasino e faatonutonuina amio
- 53. Malosiaga ma tiute tauave o komisi faamasino

Vaevaega 4 - Malosiaga o Saililiga ma Faasalaga

- 54. Malosiaga o Komisi Suesue ia faaaogā
- 55. Faasalaga mo amioga e lē tatau ai tau le galuega
- 56. Faasalaga mo amioga e lē tusa ai tau le galuega
- 57. Faasalaga mo amioga e lē tusa ai tau le galuega e aafia ai teugatupe tausi

VAEGA VIII
AIAIGA ESEESE

- | | |
|---|--|
| 58. Taofia lē tumau o loia ua lē toe mafai ona galue faa-loia ma malosiaga e faafoe ai le galuega | 61. O isi fuaitau faasaina |
| 59. Faamatalaga molimau o totogifuapauina ma totogifuapauina faasili | 62. Ia avea le Sosaiete a Loia ma vaega auai i taualumaga |
| 60. Faaaogāina o fuaitau “tagata ofisa faaletulafono” ma “loia faatoa amata i le galuega” | 63. Faaeeina atu o matafaioi i isi faalapotopotoga faaletulafono |
| | 64. Tuusaunoaga o noataga |
| | 65. Tulafono Faatonutonu |
| | 66. Soloia ma teuteuga |
| | 67. Aiaiga faasaoina ma aiaiga tau soloaiga |

2014, Nu. 21

O SE TULAFONO e faatonutonu ai le galuega faa-loia ma faiga masani faaletulafono ma mo faamoemoega e fesootai i ai.

[28 Oketopa 2014]

UA FAIA e le Fono Aoao Faitulafono a Samoa i totonu o le Palemene ua potopoto e faapea:

VAEGA I
FAATOMUAGA

1. Igoa puupuu ma le amataga-(1) E mafai ona taua lenei Tulafono o le Tulafono mo Loia ma le Faatinoga o Galuega Faa-Loia 2014.

(2) E amata faamamaluina lenei Tulafono i le aso e tuuina i ai le maliega a Le Ao o le Malo.

2. Faamatalaina o uiga o upu-(1) I totonu o lenei Tulafono, ae vagana ai ua manaomia e le mataupu se isi uiga e ese ai:

“loia” o lona uiga o se loia o ia lea ua filifili e galue faa-loia na o se loia lava e tusa ai o le fuaiupu 33;

“loia ma le loia faufautua” o lona uiga o se loia o ia lea ua faauluina i lalo o le Vaega IV e avea o se loia ma se loia faufautua o le Faamasinoga Sili;

“tusi faamaoni e galue ai se loia na o ia lava” o lona uiga o se
 tusi faamaoni e galue ai a se loia na o ia lava ua tuuina atu
 i lalo o le fuaiupu 34(1)(c);
“aia feteenai” o lona uiga o se aia a se tagata lea e i ai le
 malosi e faavaivaia ai le tulaga lē faaitau o lea tagata i se
 mataupu;
“Fono” o lona uiga o le Fono a le Sosaiete a Loia ua filifilia i
 lalo o le fuaiupu 10(1);
“sui aloaia o le fono” o lona uiga o se sui auai o le Fono;
“faamasinoga” e faasino i le galuega a se loia po o le auai ai o
 se loia e avea ma faufautua, e aofia ai so o se komisi
 faamasino ua faavaeina e le tulafono;
“Faamasinoga o Talosaga” o lona uiga o le Faamasinoga o
 Talosaga a Samoa;
“Komiti o Faasea” po o “Komiti” o lona uiga o le Komiti o
 Faasea ma Suesuega ua faavaeina i le fuaiupu 46;
“komisi faamasino e faatonutonuina amio” po o “komisi
 faamasino” o lona uiga o se komisi faamasino e
 faatonutonuina amio a loia ua faavaeina i le fuaiupu 51;
“lala sooupu a le Malo” e aofia ai kamupani uma a le Malo i
 lalo o le Tulafono o Faalapotopotoga a le Malo (Faatinoga
 o Galuega ma le mafai ona tali atu) 2001;
“ofisa loia” o lona uiga o se ofisa o loia faufautua (pe o aofia
 ai se loia na o ia lava po o le sili atu i lo le tasi (1) le loia),
 lea e tatau, a itiiti mai e toatasi (1) se loia ua agavaa e
 galue ai mo ia lava i lalo o lenei Tulafono, ma o lo o umia
 se tusi faamaoni e galue ai;
“Soasaiete a Loia” po o le “Sosaiete” o lona uiga o le Sosaiete
 o Loia a Samoa ua faaaauauina i le fuaiupu 4;
“loia” o lona uiga o se tagata o ia lea ua faauluina atoatoa e
 avea o se loia ma loia faufautua, e tusa lava pe o lea tagata
 o lo o galue e avea na o se loia, po o se loia faufautua i
 lalo o lenei Tulafono;
“sui auai” e faasino i le Sosaiete a Loia, o lona uiga o se loia o
 ia lea o lo o umia i le taimi nei se tusi faamaoni e galue ai i
 lalo o lenei Tulafono;
“Minisita” o lona uiga o le Minisita o ia lea ua faatonuina i
 lalo o le Mataupu 35 o le Faavae ina ia nafa ma lea tulaga,
 mo lenei Tulafono;

“nusipepa” o lona uiga o se nusipepa e lautele atu lona faasalalauina i totonu o Samoa;

“loia e lēnofomau i le atunu” o lona uiga o se loia o ia lea ua faauluina i se tusi e faamau ai suafa o loia e galulue lē tumau ma o lo o umia i le taimi nei se tusi faamaoni e galue ai e avea o se loia e lēnofomau i le atunu;

“tusi e faamau ai suafa o loia e galulue tumau” o lona uiga o le tusi e faamau ai suafa o loia e galulue tumau ua faavaeina i lalo o le fuaiupu 14(1)(a);

“tusi faamaoni e galue ai” o lona uiga o se tusi faamaoni e galue ai ua tuuina atu i lalo o le fuaiupu 34;

“Peresetene” o lona uiga o le Peresetene o le Sosaiete a Loia;

“amioga e lētusa ai tau le galuega” o lona uiga o amioga e lētusa ai tau le galuega a se loia, ua faamaoti mai i lalo o le fuaiupu 41, ma e aofia ai amioga e lētusa ai tau le galuega ua faamaoti mai i lalo o so o se isi lava aiaiga o lenei Tulafono;

“Resitara” o lona uiga o le Resitara o le Faamasinoga Sili;

“Tulafono Faatonutonu” o lona uiga o Tulafono Faatonutonu ua faia i lalo o lenei Tulafono;

“Tulafono ua soloia” o lona uiga o le Tulafono o Alii Loia 1976;

“suinofomau” o lona uiga o se loia e ese mai i lo se loia e lēnofomau i le atunu;

“tusi e faamau ai suafa” o lona uiga o le tusi e faamau ai suafa o loia ma loia faufautua e galulue tumau po o se tusi e faamau ai suafa o loia ma loia faufautua e galulue lētumau ua tausia i lalo o le fuaiupu 14;

“Tulafono Faafoe” o lona uiga o Tulafono Faafoe ua faia i lalo o le fuaiupu 7;

“Failautusi” o lona uiga o le Failautusi o le Sosaiete a Loia;

“loia faufautua” o lona uiga o se loia o ia lea o lo o galue faa-loia e avea o se loia faufautua i lalo o lenei Tulafono;

“Faamasinoga Sili” o lona uiga o le Faamasinoga Sili a Samoa;

“tusi e faamau ai suafa o loia e galulue lētumau” o lona uiga o le tusi e faamau ai suafa o loia e galulue lētumau ua faavaeina i lalo o le fuaiupu 14(1)(b);

“teritori” e aofia ai so o se malo, itumalo, po o isi nofoaga i totonu o se atunu;

“teugatupe tausi”, o lona uiga o se teugatupe tausi a se loia faufautua i so o se faletupe i Samoa a lē:

(a) o i le igoa o lea loia faufautua; po o

(b) i le igoa o se ofisa loia a loia faufautua lea e avea ai le loia faufautua ma paaga, po o tumau pea ona avea ai o ia o se paaga; po o

(c) i le igoa o se loia faufautua po o se ofisa loia a loia faufautua lea o lo o faafaigaluegaina ai po o o lo o galue ai o ia.

“amioga e lē tatau ai tau le galuega” o lona uiga o se amioga e lē tatau ai tau le galuega a se loia ua faamaoti mai i lalo o le fuaiupu 40, ma e aofia ai amioga e lē tatau ai tau le galuega ua faamaoti mai i lalo o so o se isi lava aiaiga o lenei Tulafono.

(2) I le aunoa ai ma le faatapulaaina o le fuaitau “galue e avea o se loia faufautua po o se loia” i totonu o lenei Tulafono, ua avea se tagata e galue e avea o se loia faufautua po o se loia mo faamoemoega o lenei Tulafono pe afai ua tuuina atu pe saunia e le tagata o fautuaga faaletulafono i tulafono a Samoa (tuufogaga pe tusitusia) mo se totogifupapuina po o isi faafesuiaiga o mea aogā i tipe, i so o se tagata, e tusa lava pe o i totonu o Samoa po o se isi nofoaga po o ua na tusia po o ua na saunia mo po o e avea ai ma sui o so o se tasi lava tagata, po o tumau pea ona sauni o ia e tusia po o le saunia mo po o i le avea ai ma sui o so o se tasi lava tagata, so o se:

(a) faaliliuina o fanua, faaliliuina o le pule po o isi pepa faamaonia faaletulafono e ono faamauina o lo o aafia ai fanua; po o

(b) mavaega; po o

(c) pepa aloaia e avea ma vaega o taualumaga faaletulafono i totonu o se faamasinoga lea e taua ai lea tagata e avea o se loia o lo o i faamaumauga a le faamasinoga; po o

(d) so o se isi lava pepa aloaia o se ituaiga ua faatonuina e Tulafono Faatonutonu po o so o se isi lava tulafono e pei ona manaomia ai se loia ia tusia pe saunia.

(3) E ese mai ai i le faafuaiupu (2), o le saunia po o le suesueina po o le faaoo atu o pepa aloaia mo po o i le tulaga fesootai ma se faletupe faava o malo ua laiseneina i lalo o le Tulafono o Teugatupe Faava o Malo 2005, po o le tuuina atu o le fautuaga e uiga i mataupu po o auauanaga tau teugatupe faava o malo e po o mo se kamupani tausi mavaega ua faamauina i lalo o le Tulafono o Kamupani Tausi Mavaega 1988, e lē amanaiaina o se galuega e avea ai o se loia faufautua po o se loia mo faamoemoega o lenei Tulafono.

3. Faamoemoe o le Tulafono ma matafaioi faavae a loia-(1)

O faamoemoega o lenei Tulafono o le:

- (a) faamautinoaina lea ua pulea ma faatonutonu galuega faa-loia a Samoa e tusa ai ma tulaga faataatitia tau galuega ma amioga taualoa ua talaina; ma
- (b) ia faatonuina manaoga mo le faauluina o loia ma faatapulaa le aia tatau e faaatinoina ai galuega faa-loia ma tuuina atu auauanaga faaletulafono i na o tagata ua agavaa e pei ona tatau ai ma ua i ai le poto masani, o i latou ia e amio tausaafia; ma
- (c) ia faamautino a e faapea o tupe ua tuulima atu i loia ua tausia e tusa ai ma manaoga faaletulafono ma e faatoa faaaogā lava mo le faamoemoe ua faatonuina ai e le o faaaogāina le auauanaga; ma
- (d) ia faamautino a e faapea, o totogifuapauina ma tau ua faaee atu e loia ua tonu ma talafeagai; ma
- (e) ia taofia loia ua faatatauina mo so o se faatinoga o amioga e lē tatau ai tau le galuega po o amioga e lē tusa ai tau le galuega ma mo so o se soliga o amioga taualoa ma tiute tauave faaletulafono e faatatau i loia.

(2) E tatau i loia uma ona tausisia matafaioi faavae ua taua i lalo e faasino i a latou galuega ma auauanaga latou te tuuina atu:

- (a) ia usitaia le pulega o tulafono ma ia faafaigofie le faafoega o le faaiuga amiontonu i totonu o Samoa; ma
- (b) e ao ona tutoatasi i le tuuina atu o auauanaga faaletulafono i tagata o lo o faaaogāina la latou auauanaga; ma

- (c) ia galue e tusa ai ma tiute tauave uma faaletulafono ma tiute tauave o le puipuiga e ao ona tuuina atu e loia i tagata o faaaogāina la latou auaunaga; ma
- (d) ia puipuia o aia a tagata o faaaogāina a latou auaunaga i le noatia ma le fai fuafua i tiute tauave aupito sili ona ttau i le avea ai o i latou ma tagata ofisa o le faamasinoga, ma isi tiute i, po o ua faia e tusa ai ma lenei Tulafono.

VAEGA II **O LE SOSAIETE O LOIA A SAMOA**

4. Faaauauina o le Sosaiete a Loia-(1) O le Sosaiete o Loia a Samoa sa faavaeina i lalo o le Tulafono ua soloia e faaauau pea, ma o le a tatau ona faafoe ma puleaina, ma faatino ona tiute tauave ma malosiaga, i lalo o lenei Tulafono.

(2) O loia uma o i latou ia o galulue faa-loia, e tusa lava pe o avea o se loia na o ia lava po o se loia faufautua, e tatau ona avea ma sui auai o le Sosaiete a Loia, ma e noatia e ala i ana tulafono faafoe ma noatia i ana taualumaga.

(3) O le Sosaiete a Loia:

- (a) o se faalapotopotoga tuufatasia ua i ai soloaiga lē motusia; ma
- (b) e tatau ona i ai se faamaufaailoga e masani ai; ma
- (c) e mafai ona ulufale atu i totonu o faiga faakonekarate; ma
- (d) e mafai ona amata po o le avea o se vaega i taualumaga faaletulafono i lalo o lona igoa; ma
- (e) e mafai ona maua mai, umia ma faamatuu atu se meatotino moni ma meatotino tau le tagata lava ia; ma
- (f) e mafai ona tauaveina so o se isi lava gaoioiga lea e mafai e se faalapotopotoga faaletulafono ona faatinoina e tusa ai ma le tulafono.

5. Galuega tauave a le Sosaiete a Loia - O galuega tauave a le Sosaiete a Loia:

- (a) ia uunaia ma faalaeiauina amioga e tatau ai i loia e aofia ai le faafoega tatau ma le faaaogāina o tupe a le tagata o faaaogāina le auaunaga sa umia i le tulaga faatuatuaina; ma

- (b) ia taofiofia le aliae mai o amioga e lē tusa ai ma le tulafono, amioga e lē taualoa, uiga tauvalea, faiga e lē talafeagai ai ma le galuega, ma amioga e lē tatau ai a loia; ma
- (c) ia puipui ma faatumauina le uiga faamaoni ma le tulaga o le galuega faa-loia; ma
- (d) ia iloiloina talosaga uma mo le faauluina ina ia fuafuaina ai e faapea ua ausia manaoga o lenei Tulafono e le tagata talosaga; ma
- (e) ia tuuina atu, uunaia, ma faalaeiauina ni avanoa mo le maua mai, atinae ma le faasalalaufina lautele o le malamalama tau le tulafono; ma
- (f) ia uunaia ma faalaeiauina le tausia o le pule a le tulafono ma le atinae o tulafono a Samoa; ma
- (g) ia uunaia le tulaga faaalaoalo ma tu ma aganuu a Samoa i ona sui pe afai ua talafeagai ai; ma
- (h) ia iloiloina ma faatutu mai ni toe teuteuga i le tulafono; ma
- (i) ia avea ma sui o le galuega faa-loia ma lagolago mo ana aia; ma
- (j) ia puipua aia o le galuega faa-loia; ma
- (k) ia tauaveina so o se isi lava galuega tauave i lalo o lenei Tulafono ma so o se isi lava tulafono.

6. Tiute tauave ma malosiaga o le Sosaiete a Loia-(1) E i ai i le Sosaiete a Loia malosiaga o i lalo o lenei Tulafono ma so o se isi lava tulafono, ma malosiaga uma ia e tatau ai po o e matua talafeagai ai ina ia mafai ai ona ia tauaveina ana galuega.

(2) E aunoa ma le faatapulaaina o le faafuaiupu (1), e mafai e le Sosaiete a Loia ona faia mea uma po o so o se tasi o mea ua taua e faapea:

- (a) tuuina atu tusi faamaoni e galulue ai;
- (b) fesiliglia uiga ma agavaa o tagata talosaga taitoatasi mo le faauluina, ma ia faamautinoaina e faapea o mataupu uma e talafeagai ai ua tuuina mai i le iloiloga a le Faamsinoga Sili pe a oo ina fofogaina so o se talosaga mo le faauluina;

- (c) suesueina faasea ua faia e faasaga i loia, ma so o se isi lava amioga lē pulea po o amioga e lē tusa ai tau le galuega ua faia e so o se loia po o se ofisa loia;
- (d) faatino moliaga e faasaga i loia po o nisi tagata mo le soliga o lenei Tulafono po o so o se isi lava tulafono e faasino i le galuega faa-loia;
- (e) tofia so o se loia ina ia auai atu i so o se faamasinoga i le avea ai ma sui o le Sosaiete e tusa ai o so o se mataupu o lo o taua i totonu o le parakalafa (a) ma le (b), po o totonu o so o se isi lava mataupu lea e mafai ona aafia ai pe aia i ai le Sosaiete;
- (f) ina ia tusa ai ma lenei Tulafono, ma faatasi ai ma Tulafono Faafoe, ua faaee atu ai ma aoina mai totogifuapauina po o isi totogi faaee atu mai ona sui auai ma mai tagata talosaga mo le faauluina e avea o se loia;
- (g) ua manaomia ai e faapea ia faatino e loia po o ia auai i mataupu aoaoina o le faaauauina o aoaoga faaletulafono, ma fonotaga faaaoaoga po o mataupu aoaoina e faasino i tulaga faaleleia i totonu o le tulafono;
- (h) tuuina atu tusi faamaoni e fai ma molimau i le amio ma tulaga o sui auai, i luga o le totogiina o se totogifuapauina ua faatulaga e le Fono;
- (i) faatino so o se isi lava malosiaga lea ua faaee atu i ai e lenei Tulafono po o se isi lava Tulafono.

7. Tulafono faafoe mo amioga tau le galuega-(1) E mafai e le Sosaiete a Loia ona faia tulafono faafoe mo amioga tau le galuega po o tulaga faataatitia mo faamoemoega o le faatonutonuina o le Sosaiete po o galuega faa-loia, ma aemaise ai lava e mafai ona faia tulafono faafoe tau le galuega e faapea:

- (a) o tulafono faafoe e faasino i tiute tauave o loia i tagata e faaaogāina le auaunaga ma le faamasinoga;
- (b) o tulafono faafoe e faasino i le sua faatatau o totogi o loia faufautua ma isi totogifuapauina faaletulafono po o tau, i le noatia ma le fai fuafua i tulafono faatonutonu, ina ia tagofia ai le totogi faasili i luga o mokesi ma isi pepa aloaia tau faamalumaluga;

- (c) o tulafono faafoe e faasino i fonotaga a le Sosaiete po o le Fono;
- (d) o tulafono faafoe e faasino i teugatupe tausi;
- (e) o tulafono faafoe e faasino i tiute tauave pe a oo ina saunia mokesi, faamalumaluga po o feagaiga tau nonogatupe, e aofia ai tiute tauave ina ia faamautinoa ai e faapea o se vaega e le o i ai se sui i se mokesi, faamalumaluga po o isi feagaiga tau nonogatupe, ua malamalama i noataga ma aafiaga o i ai i totonus;
- (f) o tulafono faafoe e tagofia ai nisi faavasegaga o tusi faamaoni e galue ai, o aia tatau tau faatinoga, ma tapulaa e uiga i aia tatau e galue ai faa-loia, ua faaaogāina i le faavasegaga o tusi faamaoni e galue ai;
- (g) o tulafono faafoe e faasino i taualumaga e faatonuina ai amio;
- (h) o isi tulafono faafoe ua manaomia ina ia faia i lalo o lenei Tulafono.

(2) O Tulafono Faafoe e lē tatau ona feteenai ma lenei Tulafono po o tulafono faatonutonu.

(3) E lē faamamaluina Tulafono Faafoe seia vagana ai ua faamaonia a ititi mai o le lua-vae-tolu o sui nofomau o le Sosaiete i se fonotaga faaletausaga po o se fonotaga faapitoa po o e ala i le faaaogāina o taualumaga tau faasalalauga ua tuuina mai i le fuaiupu 9.

(4) O Tulafono Faafoe e noatia ai sui uma o le Sosaiete a Loia, ma isi tagata uma o i latou ia ua mafai ona faatatauina i ai ia tulafono faafoe i lalo o lenei Tulafono.

(5) E tatau i le Failautusi ona tuuina atu se ata o Tulafono Faafoe i so o se tagata o ia lea ua faatatau i ai Tulafono Faafoe, ma e mafai ona totogiina se totogifuapauina ua faamaonia e le Fono.

8. Fonotaga a le Sosaiete a Loia-(1) E faaaogā tulafono faafoe ua taua i se fonotaga aoao faaletausaga a le Sosaiete a Loia:

- (a) e tatau ona usuia se fonotaga aoao faaletausaga -

- (i) i tausaga faale-kalena taitasi uma e filifili ai tagata ofisa o le Sosaiete ma ia tagofia ai so o se isi lava galuega po o mataupu;
 - (ii) i totonu o le 15 masina o le fonotaga aoao faaletausaga talu ai;
 - (iii) i se taimi ma se nofoaga o le a atofaina e le Fono;
 - (b) o le Peresetene po o le Sui Peresetene (pe afai e le o auai le Peresetene) po o se sui o le Fono ua tofia e sui o lo o auai (afai e le o auai uma le Peresetene ma le Sui Peresetene) e avea ma taitaifono;
 - (c) o le fasefulu pasene o sui o i latou ia o loianofomau i le atunuu (ua auai i latou lava) e usuia ai se fonotaga, i le noatia ma le fai fuafua i le faafuaiupu (5);
 - (d) so o se mataupu e ao lava ona faia le faaiuga e tusa ai ma le itu e mafuli i ai le tele o palota a sui auai o lo o i ai;
 - (e) o le tagata o lo o taitaifono e i ai se palota o faiga filifiliga ma afai e aliae mai se tulaga tutusa o palota, o ia te ia se palota e fai ai le faaiuga.
- (2) E mafai e le Fono i so o se taimi, ma e tatau i so o se taimi e manaomia ai le faia o lea itu i se faasilasilaga tusia a lē itiiti ifo i lo le 10% o sui auai o le Sosaiete, ona valaauna se fonotaga aoao tulaga ese a le Sosaiete i se taimi ma se nofoaga (i totonu o le 28 aso talu ona maua so o se faasilasilaga) ua atofaina e le Fono.
- (3) E tatau i le Fono ona tuuina atu i se sui auai o le Sosaiete a Loia ia faasilasilaga o fonotaga ma galuega e ao ona tauaoina:
- (a) mo se fonotaga aoao faaletausaga, o se faasilasilaga e lē itiiti ifo i lo le 14 aso; ma
 - (b) mo isi fonotaga aoao, o se faasilasilaga e lē itiiti ifo i lo le lima (5) aso,
- ae peitai o le lē tausisa o lenei faafuaiupu ona o se uiga e tupu faafuasei o le a lē faalēaogāina ai faaletulafono taualumaga o sea fonotaga.
- (4) E mafai foi ona tuuina atu faasilasilaga e ala i:
- (a) faasalalauga faalauiloa ua faia i totonu o se nusipepa; po o

- (b) faaooina atu o se faasilasilaga tusia i le ofisa po o le tuatusi e lafo ai meli ua tuuina atu i le Sosaiete e sui auai taitoatasi; po o
- (c) tuuina atu o se feau tau meli faaeletoroni i le tuatusi tau meli faaeletoroni a le sui auai, po o le ofisa loia lea o lo o faafaigaluegaina le sui auai, e pei ona tuuina atu i le Failautusi.

(5) Afai ua leai se aofaiga o sui e mafai ai ona faia se fono i se fonotaga aoao faaleausaga, o se isi fonotaga:

- (a) e tatau ona valaauiina e ala i se faasilasilaga ua tuuina atu i lalo o le faafuaiupu (3)(a) ma le (4); ma
- (b) o le isi lea fonotaga e mafai ona faagasolo i sui auai o lo o i ai, e ui lava e le o i ai se aofaiga o sui e mafai ai ona faia o se fono e pei ona manaomia i lalo o le faafuaiupu (1)(c).

(6) O se tagata o ia lea ua taofia lē tumau mai le galue e avea o se loia, e leai se aia tatau e auai ai pe palota i so o se fonotaga aoao faaleausaga, po o isi fonotaga a le Sosaiete.

(7) I le noatia ma le fai fuafua i lenei Tulafono, ma i Tulafono Faafoe, ua mafai e le Sosaiete a Loia ona faatonutonu ana taualumaga i ana fonotaga aoao.

9. Taualumaga mo le faamaonia o Tulafono Faafoe po o ni lafo faatu e ala i faasilasilaga-(1)

E ese mai ai i so o se isi lava aiaiga o lenei Tulafono, o le maliega a sui auai i so o se Tulafono Faafoe po o isi iugafono ua fuafuaina e le Sosaiete e mafai ona maua e ala i le:

- (a) faaooina atu o le faasilasilaga o Tulafono Faafoe po o iugafono ua lafoina i le pusa meli, ofisa po o le tuatusi tau meli faaeletoroni a sui auai; ma
- (b) tuuina atu i ai se avanoa mo sui auai e faailoa ai a latou maliega po o i se isi faiga e ese ai i fuafuaga fai e ala i fesootaiga tau meli tusia po o meli faaeletoroni.

(2) E mafai e Tulafono Faafoe ona aiaia ai mo nisi taualumaga e faasino i le faaaogāina o lenei fuaiupu.

(3) Mo faamoemoega o lenei fuaiupu, e mafai e le Failautusi ona manaomia loia uma ina ia tuuina atu se tuatusi tau meli faaeletoroni, ma o le auina atu o so o se faasilasilaga po o pepa

aloaia i tuatusi tau meli faaeletoroni ua tuuina atu o le a avea ma auaunaga aogā o le tuuina atu o faasilasilaga po o pepa aloaia i loia mo so o se faamoemoe i lalo o lenei Tulafono.

10. Fono a le Sosaiete a Loia-(1) O le Fono a le Sosaiete o Loia a Samoa, e aofia ai sui auai o i ai nei o le Sosaiete ua tofia e avea ma sui aloaia o le fono o le Sosaiete:

- (a) o le Peresetene;
- (b) o le Sui Peresetene;
- (c) o le Failautusi;
- (d) o le Teutupe;
- (e) isi sui aloaia o le fono e toatolu (3).

(2) E agavaa le Loia Sili e auai ai i totonu ma fofogaina ai o ni mataupu i fonotaga uma a le Fono ae e leai se aia tatau e palota ai.

(3) O se sui aloaia o le fono:

- (a) e umia le tofi seja oo i le isi fonotaga aoao faaleausaga, e mulimuli atu i le fonotaga lea na filifilia ai le tagata ofisa i le tofi (seia vagana ai ua vave tuua e le sui aloaia o le fono le tofi), ma e agavaa mo le toe filifilia; ma
- (b) faaaauau pea i le tofi seja oo ina taunu mai lona sui e suitulaga i le tofi, ae vagana ai ua vave tuua e le sui aloaia o le fono le tofi; ma
- (c) e mafai ona faamavae mai le tofi i se faiga tusitusia i le Fono; ma
- (d) e mafai ona aveesea mai le tofi e le Sosaiete i se fonotaga aoao i luga o mafuaaga o le -
 - (i) lē toe lelei le mafaufau po o ua i ai i se tulaga lē atoatoa le malosi o le tino; po o
 - (ii) ua faaaliala manino le lē mafai ona totogi nai ana aitalafu, e tusa ai ma le tulafono; po o
 - (iii) ua faatalale i ona tiute, po o se amioga e lē tusa ma tatau ai ua faamaonia e tusa ma le maliega a le fonotaga aoao; ma
- (e) e tatau ona vave tuua le tofi pe afai -
 - (i) o le sui aloaia o le fono ua taofia lē tumau i lalo o le Tulafono mai le galue e avea o se loia; po o

(ii) taualumaga tau le amio pulea i lalo o le Vaega VII, ua amatalia e faasaga i le sui aloaia o le fono; po o

(iii) ua molia le sui aloaia o le fono i so o se soligatulafono lea e aafia ai le faaaogā sese o tupe sa tausia e le sui aloaia o le fono, po o so o se isi lava gaoioiga o le tulaga lē faamaoni; ma

(f) e lē tatau ona avea ma vaega o se faagasologa po o se faaiuga a le Fono ua faia i lalo o le Vaega VII pe afai o i ai i le sui aloaia o le fono le aia feteenai.

(4) Afai ua avanoa le tofi o se sui aloaia o le fono, ua tatau loa ona faatumu le avanoa:

(a) e ala i se palota e faia e le Fono i se fonotaga a le Fono; po o

(b) e pei ona aiaia ai i lalo o Tulafono Faafoe, ma e umia e le sui aloaia o le fono fou le tofi mo le vaitaimi o totoe o le sui aloaia o le fono lea ua tuua le tofi.

(5) E mafai ona aiaia ai i Tulafono Faafoe:

(a) o taualumaga e faasino i le tofiaina ma le filifilia o sui aloaia o le fono, e aofia ai le faatumuina o avanoa; ma

(b) mo totogifuapauina o tauaofiaga ma isi alauni i tagata ofisa uma po o so o se tasi o tagata ofisa o aofia ai i le Fono.

11. Fonotaga a le Fono-(1) E tatau ona usuia fonotaga a le Fono a itiiti mai e tasi i le masina i so o se isi lava taimi ua manatu le Peresetene po o le vaega aupito toatele o sui aloaia o le fono, ua talafeagai ai.

(2) I le noatia ma le fai fuafua i Tulafono Faafoe, o se fonotaga a le Fono, e ao ona taitaia e:

(a) le Peresetene; po o

(b) le Sui Peresetene, pe afai o toesea le Peresetene; po o

(c) se sui aloaia o le fono o auai e filifilia e isi sui aloaia o le fono o lo o auai, pe afai o lo o toesea uma le Peresetene ma le Sui Peresetene po o e le o auai mai i laua uma, i le maea ai ona muta le 15 minute mai le taimi atofaina o le fono.

(3) I se fonotaga a le Fono:

- (a) e toalima (5) sui aloaia o le fono e mafai ai ona usuia o se fonotaga, i le noatia ma le fai fuafua i so o se aofaiga o sui e mafai ai ona faia se fono e pei ona fuafuaina i lalo o le parakalafa (f);
- (b) e mafai e le Fono ona talanoaina ma felafolafoai i galuega a le Sosaiete, e aofia ai mataupu e faasino i galuega tauave, tiute ma malosiaga o le Fono i lalo o le Tulafono;
- (c) so o se mataupu e ao lava ona faia se faaiuga e ala i le faailoa mai o aao;
- (d) o se sui aloaia o le fono o auai e tasi (1) lana palota i le noatia ma le fai fuafua i le parakalafa (e);
- (e) o se sui aloaia o le fono o avea ma taitaifono, e i ai lana palota o faiga filifiliga ma lana palota e faia ai se faaiuga.
- (f) e mafai e le Fono ona faatonutonu o isi taualumaga, e aofia ai le tolopoina o fonotaga, ma le fuafuaina o le aofaiga o sui auai e mafai ona usuia se fonotaga mo le faagasologa o isi galuega a le Fono.

(4) E mafai e le Failautusi i se feutagaiga ma le Peresetene, ona taloina o se fonotaga a le Fono, e ala i se faasilasilaga i tuatusi imeli, telefoni po o se tusi e faaooina atu i sui aloaia uma o le Fono.

(5) E mafai e le Fono ona tuuina atu so o sana galuega tauave, tiute tauave ma malosiaga i lalo o lenei Tulafono i se soa-Komiti e aofia ai sui aloaia ma sui auai o le Sosaiete, i le noatia ma le fai fuafua i aiaiga ua faaee atu e le Fono po o isi manaoga ua faatulagaina i totonu o tulafono faafoe, e aofia ai taualumaga o fonotaga ma taualumaga a le soa-komiti.

(6) O se iugafono tusitusia a le Fono ua sainia e sui auai uma o le Fono po o se soa-komiti e aloaia e faapei sa pasia i se fonotaga a le Fono po o le soa-komiti.

(7) E ao i le Fono ona faamautinoa le tausia lelei o faamaumauga o taualumaga uma i fonotaga a le Fono ma o ia faamaumauga o mataupu e lē toe manaomia ni faamaoniga o ni faamatalaga molimau pe afai ua faamaonia e le Taitaifono le sao atoatoa i le isi fonotaga o lumanai.

(8) So o se gaoioiga ua faia i le agaga lelei i so o se fonotaga a le Fono, po o se fonotaga a le soa-komiti o le Fono, po o ua faia e se tagata o lo o galue e avea ma sui aloaia po o se sui auai o le soa-komiti, ua aloaia e ui lava o i ai se faaletonu i le tofiga o se sui aloaia po o se sui auai o le soa-komiti ua tauleagavaaina mulimuli ane mai le avea o se sui aloaia po o se sui auai o le soa-komiti.

12. Aia feteenai - Afai o i ai i se tagata so o se aia i se mataupu lea e tatau ona faia i ai se faaiuga a le Fono, po o le tuuina atu o se poloaiga i lalo o lenei Tulafono, o lea tagata:

- (a) e tatau ona faaalia manino le aia; ma
- (b) e lē tatau ona auai i totonu o se taualumaga po o le faia o se faaiuga e tusa ai o le mataupu ua talafeagai ai i le faaaliga manino ua faia.

13. O galuega tauave, malosiaga, ma tiute tauave o le Fono-
(1) E i ai i le Fono galuega tauave ua taua e faapea:

- (a) ia galue e avea o se vaega faatonu o le Sosaiete a Loia;
- (b) ia nafa ma le pulea, faafoeina, ma le vaavaiga o mataupu a le Sosaiete, ma ana faaputugatupe ma isi meatotino, i lalo o lenei Tulafono;
- (c) ia faatino aiaiga o lenei Tulafono; i le noatia ma le fai fuafua i tiute tauave ma malosiaga o le Minisita i lalo o lenei Tulafono;
- (d) faatino isi galuega tauave ua faaee atu i ai e lenei Tulafono po o e so o se isi lava tulafono, po o i lalo o Tulafono Faatonutonu po o Tulafono Faafoe.

(2) E i ai i le Fono malosiaga ua taua e faapea:

- (a) e tofia ni komiti o sui auai o le Sosaiete a Loia, ma tuuina atu i so o sea komiti so o se tasi o malosiaga a le Fono, ma faalēaogāina se tuuina atu o malosiaga i se tasi e avea ma sui;
- (b) e tauaveina isi malosiaga ia e tatau po o e matua talafeagai mo le faataunuina ma le faatinoga o ana galuega ma tiute, e aofia ai ia malosiaga e pei ona mafai ona faaee atu i ai e lenei Tulafono po o so o se isi lava tulafono, po o e Tulafono Faafoe.

(3) E leai se mea o i lenei fuaiupu e taofia ai le Fono mai le tofiaina o se tagata o ia lea e le o se sui auai o le Sosaiete a Loia ina ia seei i se komiti pe afai ua talafeagai ai le i ai o se sui e le o se loia e fesoasoani i ai, po o pe afai ua manatu le Fono e mafai e sea tagata ona tuuina atu se sao i le faatinoga lelei o matafaioi ma tiute tauave a le komiti.

(4) I le noatia ma le fai fuafua i lenei Tulafono, ma i Tulafono Faafoe, e mafai e le Fono ona faatonutonu ana lava taualumaga i sea faiga e pei ona ia manatu ua talafeagai ai.

14. Teugatupe a le Sosaiete a Loia-(1) E tatau i le Sosaiete a Loia:

- (a) ona faavae ma tausia se teugatupe e ao ona taua o le “Teugatupe a le Sosaiete o Loia a Samoa”, i se faletupe ua laiseneina i lalo o le Tulafono o Faalapotopotoga tau Tupe 1996; ma
- (b) faamautinoa e faapea o tupe uma ua talaina faaletulafono e le Sosaiete po o le Fono, po o e so o se tasi o tagata ofisa, sui auai po o lala sooupu a le Sosaiete, ua teuina i totonu o le Teugatupe.

(2) O le talaina o tinoitupe mai le Teugatupe a le Sosaiete o Loia a Samoa o le a lē mafai ona faia, ae vagana ai e ala i siakitupe po o isi pepa faamaonia ua sainia e so o se tasi o tagata ofisa o le Sosaiete a Loia ua faatagaina mo lea faamoemoe e le Fono, ma toe faamaonia e se isi tagata ofisa o le Sosaiete o ia lea ua faapea foi ona faatagaina.

(3) E tatau i le Sosaiete a Loia ona tausia faamaumauga talafeagai ma tusi o teugatupe ma e tatau i ana teugatupe ona sueina faasuetusi i tausaga taitasi, ma e tatau i le Failautusi ona tuuina atu i sui auai taitoatas i uma se ata o le teugatupe faaletausaga faatasi ai ma le lipoti a le suetusi e uiga i teugatupe.

(4) E leai se mea o i totonu o lenei fuaiupu e taofia ai le Fono mai le faatagaina o le faavaeina o le sili atu i le tasi (1) le teugatupe, pe afai ua ia manatu e faapea o se teugatupe e ese mai ai e tatau ona tausia mo so o se faamoemoega faapitoa o le Sosaiete, po o ia faamautinoa e faapea o le faaputugatupe a le Sosaiete ua faafaoe lelei ma teuina faafaigaluega, ma o manaoga o lenei fuaiupu e faaaogā i ia teugatupe taitasi.

VAEGA III
TUSI E FAAMAU AI SUAFA
O LOIA MA LOIA FAUFAUTUA

15. Ia tausia e le Resitara tusi e faamau ai suafa o loia ma loia faufautua-(1) E tatau i le Resitara ona faavae ma tausia i le ofisa o le Resitara ia tusi e faamau ai suafa:

- (a) o se tusi e faamau ai suafa o loia ma loia faufautua o le Faamasinoga Sili e galulue tumau, o lo o aofia ai suafa o tagata uma, o i latou ia ua faauluina e avea o se loia ma loia faufautua i lalo o le fuaiupu 26; ma
- (b) se tusi e faamau ai suafa o loia ma loia faufautua o le Faamasinoga Sili e galulue lē tumau, o lo o aofia ai suafa o tagata uma, o i latou ia ua faauluina lē tumau e avea o se loia ma loia faufautua i lalo o le fuaiupu 26.

(2) I le amata faamamaluina o lenei Tulafono, e tatau i le Resitara ona tusia suafa o loia o i latou ia ua faauluina i le taimi nei e galulue faa-loia i lalo o le Tulafono ua soloia, e tusa ai ma le uiga o le faauluina pe e galulue tumau po o le lē tumau.

16. O le tusia o igoa i le tusi e faamau ai suafa-(1) Pe a oo ina faauluina se tagata e avea o se loia ma loia faufautua i lalo o le fuaiupu 26, e tatau i le Resitara ona tusia le igoa o le tagata i totonu o le tusi talafeagai e faamau ai suafa.

(2) Mo le faauluina lē tumau, e tatau foi i le Resitara ona faamaoti i totonu o le tusi e faamau ai suafa o ē galulue lē tumau o le umi o le vaitaimi ua fuafuaina i lalo o le fuaiupu 24 mo le faauluina lē tumau.

17. O le aveeseina ma le tuueseina o igoa mai le tusi e faamau ai suafa-(1) E tatau i le Resitara ona aveese le igoa o se loia, po o le faailoga ai o le tuueseina o le loia, i totonu o le tusi talafeagai e faamau ai:

- (a) i le mauaina mai o se pepa faamaonia na sainia e le Failautusi e faapea ua faia se poloaiga i lalo o lenei Tulafono, e faapea ua tatau ona aveese le igoa o le

loia mai le tusi e faamau ai suafa, po o le faapea ua taofia lē tumau le loia mai le faiga o le galuega; po o

- (b) pe afai o le Resitara ua fautuaina i se isi faiga e ese ai, i se faaiuga ia aveesea po o ia taofia lē tumau se loia e se tagata po o se vaega ua tuuina i ai le malosiaga i lalo o lenei Tulafono e faia ai sea faaiuga; po o
- (c) i luga o se poloaiga i lea tulaga e pei ona faia e le Faamsinoga Sili.

(2) Pe a oo ina tuuina atu le tulaga aloaia i le faafuaiupu (1), e tatau i le Resitara ona faailoga i luga o le tusi e faamau ai suafa o loia e galulue lē tumau, le aso na faia ai le poloaiga ma mafuaaga mo le faia o le poloaiga.

18. Toe faaofiina o igoa i le tusi e faamau ai suafa-(1) E tatau i le Resitara ona toe faaofi i le tusi e faamau suafa le igoa o se loia sa aveesea pe sa taofia lē tumau mai le tusi:

- (a) pe afai ua faia e le Faamsinoga Sili se poloaiga i lalo o le fuaiupu 20 e faapea, ia toe faaofiina le igoa o se tagata i le tusi e faamau ai suafa; po o
- (b) i luga o le faamutaina o le vaitaimi sa taofia ai.

(2) Pe a oo ina faamamaluina le faafuaiupu (1)(a), e tatau i le Resitara ona faailoga i luga o le tusi e faamau ai suafa, le aso o le poloaiga, o ai na ia faia, ma le mafuaaga na ala ai ona faia le poloaiga.

19. O le toe iloiloina o le tusi e faamau ai suafa i luga o se talosaga tetee - Afai ona o se talosaga tetee ua toe fefulisai ai po o ua toe fetuunai ai se poloaiga a le Fono po o le Faamsinoga Sili, e faasino i so o se mataupu po o o lo o aafia ai se tusi e faamau ai suafa, ua tatau i le Resitara o le Faamsinoga Sili ona ia faia ni tusitusiga i luga o le tusi talafeagai e faamau ai suafa, e pei ona ua tatau ai, ina ia tuuina atu ai le faamamaluga i le poloaiga a le Fono po o le Faamsinoga, lea ua faia ai le faaiuga o le talosaga tetee.

20. Aveeseina o le igoa i lana lava talosaga - I luga o le talosaga a se loia, e mafai e le Faamsinoga Sili ona faia se poloaiga e faapea ua tatau ona aveeseina le igoa o lea loia mai so o se tusi e faamau ai suafa.

21. O le toe faaofiina o igoa i tusi e faamau ai suafa-(1) E mafai e so o se tagata o ia lea e ona le igoa ua soloia ese po o ua aveese mai se tusi e faamau ai suafa, i le noatia ma le fai fuafua i lenei Tulafono, ona talosaga i le Faamsinoga Sili mo le toe faaofiina o lona igoa i lea tusi e faamau ai suafa.

(2) A oo ina ua faia se talosaga i le Faamsinoga Sili i lalo o lenei fuaiupu, e mafai e le Faamsinoga, pe afai ua faamalieina o ia e faapea o lea tagata e agavaa ma e tatau ona galue e avea o se loia, ona faia se poloaiga e faapea ua tatau ona toe faaofi le igoa o lea tagata i le tusi talafeagai e faamau ai suafa.

(3) I le faiga o se poloaiga i lalo o le faafuaiupu (2), e mafai e le Faamsinoga Sili ona tuuina atu se tuutuuga e faapea, e lē tatau i se loia, seia vagana ai ua faatagaina se loia e le Fono ia faapea ona fai:

- (a) e galue e avea o se loia po o se loia faufautua; po o
- (b) e galue e avea o se loia faufautua e galue na o ia lava.

22. Totogifuapauina o le toe faaofiina o igoa - E mafai e le Sosaiete a Loia ona faatulaga e ala i ana iugafono i totonu o fonotaga aoao po o e ala i Tulafono Faafoe, ni totogifuapauina ia e tatau ona totogi atu i le Sosaiete mo le toe faaofiina o igoa o loia i se tusi e faamau ai suafa.

VAEGA IV **O LE FAAULUINA O LOIA**

23. Uiga agavaa lautele mo le faaaluina-(1) E agavaa se tagata mo le faaaluina e avea o se Loia ma se Loia Faufautua o le Faamsinoga Sili pe afai o lea tagata:

- (a) ua ia aulia le 21 tausaga o le matua o lona soifuaga; ma
- (b) ua faamautuina o ia o se tagata e amio lelei e tusa ai o lenei Vaega; ma
- (c) ua na umia uiga agavaa faamaonia ua fuafuaina.

(2) Mo le faamoemoe o le faafuaiupu (1), o le “uiga agavaa faamaonia ua fuafuaina” o lona uiga o uiga agavaa faamaonia ua faatonuina i lalo o le Tulafono ua soloia, po o ni uiga agavaa faamaonia e ao ona fuafuaina e le Fono, ma e ala i se faasilasilaga ua lomia faasalalau i le Savali ma se isi nusipepa.

(3) E leai ni uiga agavaa faamaonia o le a tatau ona fuafuaina mo le faamoemoe o le faafuaiupu (1) seja vagana ai e tutusa ma, po o ua i ai le manatu o le Fono, e tutusa i:

- (a) se uiga agavaa faamaonia tau aoaoga maualuga i le tulafono; po o
- (b) se uiga agavaa faamaonia tau le poto maoae faapitoa i le tulafono; po o
- (c) se uiga agavaa faamaonia tau aoaoga maualuga po o se uiga agavaa faamaonia tau le poto maoae faapitoa i le tulafono,

i so o se atunu po o se teritori, po o i so o se puleaga faa-faamsinoga o lo o i totonu o so o se atunu po o se teritori, lea ua manatu le Fono o lo o i ai se faiga faaletulafono e talafeagai tutusa ma le tulaga i Samoa.

(4) I le faaopoopo atu i ai i so o se uiga agavaa faamaonia ua fuafuaina i lalo o lenei fuaiupu, e mafai i Tulafono Faafoe ona manaomia ai le tulaga i tagata talosaga mo le faauluina, ina ia faailoa tino mai se tomai i le tulafono ma lona faatinoga i Samoa, ma e mafai ona manaomia ai se tagata talosaga ina ia auai atu i se aoaoga faamasani ma faamaea se suega e tusa o lea itu, e pei ona faamaonia e le Fono.

24. Faauluina ma le faamauina o le igoa i le tusi e faamau ai suafa o loia e galulue tumau - E leai se loia e mafai ona faamauina loma igoa i luga o le tusi e faamau ai suafa o loia e galulue tumau, seja vagana ai ua faamalieina le Faamsinoga Sili e faapea o le loia:

- (a) o ia o se tagatanuu moni o Samoa; ma
- (b) ua ia ausia isi uiga agavaa lautele faamaonia i lalo o le fuaiupu 22.

25. O le faauluina ma le faamauina o igoa i le tusi e faamau ai suafa o loia e galulue lē tumau-(1) E mafai e le Faamsinoga Sili, ina ua talosagaina e tusa ai o lenei Vaega, ona

taliaina se tagata talosaga, o ia lea e le o se tagatanuu moni o Samoa, e avea o se loia ma se loia faufautua i luga o le tusi e faamau ai suafa o loia e galulue lē tumau, pe afai ua faamalieina le Faamasinoga e faapea, ua ausia e le tagata talosaga uiga agavaa lautele faamaonia i lalo o le fuaiupu 22.

(2) E mafai e le Faamasinoga Sili, i luga o le fautuaga a le Fono, ona fuafua le umi e faamauina ai le igoa i lalo o le faafuaiupu (1), i le amanaia ai o so o se itu ua taua e faapea:

- (a) o le vaitaimi lea o le a galue faakonekarate ai le loia i totonu o Samoa;
- (b) o le umi o le taimi lea e faaono mafai ai ona taofia le loia o lo o avea ma sui o lē o faaaogāina le auauanga, i totonu o se faamasinoga i Samoa;
- (c) o le vaitaimi e faaono nofomau ai le loia i totonu o Samoa i le amanaia ai o so o se itu talafeagai.

(3) E leai se vaitaimi ua fuafuaina i lalo o le faafuaiupu (2) e mafai ona silia i le lima (5) tausaga, peitai e mafai e se loia ona faaoo atu nisi talosaga ina ua tuanai le faamutaina o so o se vaitaimi o le faauluina i se faiga lē tumau.

(4) Ina ua faamutaina le umi o le taimi o le faamauina o le igoa, e mafai e le Fono ona:

- (a) taliaina le faaaliga manino o se tautoga mai se loia e faapea o pepa aloaia muamua uma sa tuuina atu e lagolago ai le faauluina muamua, e tumau pea le moni ma sao; ma
- (b) faamaonia le tagata talosaga i lalo o le fuaiupu 25 mo le toe faauluina e tusa o lea itu.

26. Talosaga mo le faauluina-(1) E ao i se talosaga mo le faauluina e avea o se loia ma se loia faufautua, ona faia e le tagata talosaga i le Faamasinoga Sili, i se auala ua faatonuina e Tulafono Faafoe a le Faamasinoga, po o, pe afai e leai ni tulafono faafoe faapea, ia faia loa i se auala e pei ona mafai ona faatonuina e le Faamasinoga Sili.

(2) O se Tusi Faamaonia ua tuuina atu e le Fono ma sainia e le Failautusi, e faapea o le tagata talosaga e amio lelei ma ia umia uiga agavaa faamaonia ua fuafuaina, ua avea ma faamatalaga molimau talafeagai e faapea ua i ai i lea tagata talosaga uiga agavaa faamaonia ua faamaoti mai i totonu o lenei Vaega.

(3) A o lumanai ai le tuuina atu o so o se tusi faamaonia i lalo o le faafuaiupu (2), e ao i le Fono ona faaaogāina taualumaga ia:

- (a) o lo o manaomia ai le tuuina atu e le tagata talosaga o ni tusi faamaonia mai Faamsinoga po o le faalapotopotoga tau tomai faapitoa o loia i totonu o le puleaga faa-faamasinoga lea o lo o galue ai le tagata talosaga, po o ua uma ona galue ai, i le faamaonia o le faamatalaga moni e faapea, e leai se gaoioiga tau amioga pulea sa faia, po o o lo o talia, e faasino i le galuega faa-loia a le tagata talosaga; ma
- (b) i le noatia ma le fai fuafua i le faafuaiupu (4), ona manaomia se tagata talosaga e tuuina atu ni faamatalaga tau le amio mai ni tagata, a itiiti mai e toalua (2), o lo o galulue faa-loia i so o se puleaga faa-faamasinoga mo se vaitaimi e lē itiiti ifo i le lima (5) tausaga, ma ua latou iloaina le tagata talosaga mo se vaitaimi e lē itiiti ifo i le tolu (3) tausaga; ma
- (c) ia mautinoa e faapea, o pepa aloaia ua tuuina atu e le tagata talosaga e lagolagoina ai le talosaga, e aloaia ma sao, ma ua faaaogāina i le tagata talosaga; ma
- (d) manaomia ai le tagata talosaga e oo atu i luma o se sui filifilia o le Fono mo se faatalatalanoaga ma ia tali atu i ni fesili, ma tuuina atu faamatalaga uma e talafeagai ai mo le Fono i le faia o se faaiuga pe tatau ona tuuina atu se tusi faamaonia; ma
- (e) manaomia ai le tagata talosaga ina ia tuuina atu se faaaliga manino i luga o le tautoga e faamaonia ai e faapea -
 - (i) o pepa aloaia ma faamatalaga uma ua tuuina atu e lagolagoina ai lana talosaga, e moni ma sao; ma
 - (ii) e leai nisi mataupu e talafeagai i le talosaga lea, e faaono aafia ai lana talosaga, po o o le a tolofia ai le faaiuga a le Fono e tusa ai o le tuuina atu o se Tusi Faamaonia; ma

(f) faia isi lava suesuega faapea e pei ona manatu ai le Fono ua talafeagai e uiga i le tagata talosaga mo faamoemoega o lenei fuaiupu.

(4) Mo faamoemoega o le faafuaiupu (3)(b), e mafai e le Fono ona talia se faamatalaga e faasino i le amio mai se tagata e le o se tagata o galue faa-loia, pe afai ua tuuina atu e le tagata talosaga ni mafuaaga i luga o se tautoga, ia ua mafai ona taliaina i le Fono mo se faamatalaga tauto talafeagai e ao ona tuuina atu.

(5) So o se tagata, o ia lea:

(a) ua tuuina atu se faamatalaga sese pe tau faasese i totonu o se talosaga i lalo o lenei fuaiupu; po o

(b) ua ia faia se faamatalaga sese pe tau faasese i le sui filifilia o le Fono a o faagasolo le tuuina atu o lana talosaga; po o

(c) ua lē mafai ona faailoa atu so o se faamatalaga i le Fono lea e mafai ai ona i ai se mafuaaga i le Fono e teena ai ona tuuina atu se tusi faamaonia i lalo o lenei fuaiupu,

ua ia faia se soligatulafono ma ua noatia i luga o se moliaga ua faamaonia faaletulafono i se sala tupe e lē silia le 1,000 iunite tau faasalaga, po o i le nofosala i le falepuipui mo se vaitaimi e lē silia le 12 masina, po o faasalaga uma e lua.

(6) O le igoa o se loia ua i ai se moliaga faaletulafono i lalo o le faafuaiupu (5), e ao ona aveesea mai le tusi o lo o faamauina ai suafa.

(7) Afai e i ai so o se taimi e faapea ua maua ai se tagata ua faauluina i luga o se faamatalaga sese pe tau faasese, lea ua avea o se amio e lē tatau ai tau le galuega, ma o lena tagata o le a tagofia loa i lalo o le Vaega VII.

27. O le faauluina - I se talosaga ua uma ona faia i le Faamsinoga Sili e tusa ai ma lenei Vaega, e mafai e le Faamsinoga Sili, pe afai ua faamalieina o ia e faapea ua agavaa le tagata talosaga mo le faauluina, ona faia se poloaiga e faauluina ai le tagata talosaga e avea o se loia ma se loia faufautua o le Faamsinoga Sili, ma e ao i sea poloaiga ona:

- (a) faamaoti mai ai pe tatau ona tusia le igoa o le loia i luga o le tusi e faamau ai suafa o ē galulue tumau po o le tusi e faamau ai suafa o ē galulue lē tumau; ma
- (b) mo le faamauina o igoa i luga o le tusi e faamau ai suafa o loia e galulue lē tumau, ia faamaoti mai le umi o le taimi e faamauina ai le igoa i lalo o le fuaiupu 24(2).

28. Tautoga o le faauluina-(1) Ina ua faia se poloaiga mo le faauluina o se tagata e avea o se loia i lalo o lenei Vaega, e ao i le tagata ona faia le tautoga po o le tautinoga ua taua i lalo, a o lumanaiai lona faamauina i le tusi e faamau ai suafa.

“O Au....., [ou te tauto/tautino] e faapea o le a ou faia i le agaga moni ma le faamaoni le galuega e avea o se Loia ma Loia Faufautua o le Faamasinoga Sili a Samoa, e tusa ai o lou malamalama aupito i sili ma lou mafaiia.”.

(2) E leai se poloaiga mo le faauluina o se loia e aloaia seja vagana ua faia e le tagata lea o lo o faia i ai le poloaiga, le tautoga po o le tautinoga ua manaomia e lenei fuaiupu.

29. Tapulaa e uiga i nisi talosaga - E mafai e le Faamasinoga Sili, pe afai ua ia teena se talosaga mo le faauluina i lalo o lenei Vaega, ona poloaiina e faapea, e leai se isi talosaga mo le faauluina e mafai ona toe faia e se tagata talosaga mo sea vaitaimi, e lē silia i le lua (2) tausaga, e pei ona faamaoti mai e le Faamasinoga.

30. Totogifuapauina o le faauluina-(1) E mafai e le Fono o le Sosaiete a Loia, e ala i se faasilasilaga i totonu o le Savali ma se isi nusipepa, ona faatulagaina ni totogifuapauina o le faauluina e ao ona totogiina i le Sosaiete e tagata talosaga ina ua faauluina e avea o loia ma loia faufautua.

(2) E mafai ona faatulaga ni totogifuapauina eseese mo loia ua faauluina i totonu o le tusi e faamau ai suafa o loia e galulue tumau po o le tusi e faamau ai suafa o loia e galulue lē tumau.

(3) Afai ua faamoemoe le Fono ina ia siitia le totogifuapauina o le faauluina, e lē tatau i se totogifuapauina ua fuafuaina ona sili atu i lo le 50% o le totogifuapauina o lo o i ai i le taimi nei.

VAEGA V **O LE GALUEGA FAA-LOIA**

31. Tulaga aloaia o loia ma loia faufautua - Ina ua maea le amata faamamaluina o lenei Tulafono, e faaauau pea i loia ma loia faufautua ona i ai malosiaga tutusa, tulaga aloaia, tiute tauave, ma matafaioi e pei ona faaaogāina i loia ma loia faufautua o lo o tutulai i totonu o se faamasinoga i totonu o Samoa i le taimi lava lea a o lumanai ai le amata faamamaluina o lenei Tulafono, ma isi lava malosiaga faapena, o tulaga aloaia, tiute tauave, ma matafaioi e pei ona faaeeina atu ia i latou e le tulafono.

32. Aia tatau e galue ai faa-loia-(1) E leai se tagata e mafai ona galue e avea o se loia seja vagana ai o lena tagata:

- (a) ua uma ona faauluina e avea o se loia ma se loia faufautua; ma
- (b) ua ia umia se tusi faamaoni e galue ai.

(2) O se tagata e lē usitaia le faafuaiupu (1), ua faia e ia se soligatulafono ma ua noatia i luga o se moliaga faaletulafono i se sala tupe e lē silia le 1,000 iunite tau faasalaga po o le nofosala i le falepuipui mo se vaitaimi e lē silia le ono (6) masina, po o faasalaga uma e lua.

(3) O se loia o lo o ia umia se tusi faamaoni e lē faatapulaaina e galue ai:

- (a) e ao ona usitaia lenei fuaiupu; ma
- (b) ua ia te ia le aia tatau e galue ai faa-loia i lana lava faitalia (tusa lava po o se loia galue tutoatasi po o le avea o se loia e galue faapena i se kamupani loia); ma
- (c) e mafai ona faafaigaluega ma vaaia se loia o lo o ia umia se tusi faamoni e lē faatapulaaina e galue ai.

(4) E mafai e se loia o lo o ia umia se tusi faamaoni e lē faatapulaaina e galue ai, ona galue i le na o le galuega faa-loia e avea:

- (a) o le tagata faigaluega a se loia o lo o umia se tusi faamaoni e lē faatapulaaina e galue ai, i le noatia ma le fai fuafua i lalo o le vaavaaiga i taimi uma o lena loia; po o
- (b) se tagata faigaluega i le Ofisa o le Loia Sili po o se Matagaluega a le Malo po o se faalapotopotoga a le Malo e pei ona faamatala manino mai i lalo o le Tulafono o Faalapotopotoga a le Malo (Faatinoga o Galuega ma le mafai ona tali atu) 2001.

(5) O se loia e lē nofomau o lo o ia umia se tusi faamaoni e galue ai:

- (a) e ao ona ia galue e avea o se loia e tusa ai ma lenei Tulafono i lalo o le vaavaaiga a se loia o lo o umia se tusi faamaoni e lē faatapulaaina e galue ai; ma
- (b) e lē tatau ona ia taliana ni tupe o teugatupe tausi; ma
- (c) e lē tatau ona galue faa-loia i lana lava fitalia.

33. Tapulaa i luga o aia tatau a loia e amata galue ai i lana fitalia i se galuega faa-loia tutoatasi-(1) E leai se loia e mafai ona amata galue e avea o se loia i la latou lava fitalia, tusa lava po o se itu faapaaga po o le avea o se loia galue toatasi, seja vagana ai o lea loia:

- (a) a o faagasolo ai le vaitaimi o le valu (8) tausaga, a o lumanai tonu ai le aso e amata galue ai i lana lava fitalia, ua i ai le poto masani i le vaavaai o galuega e lē itiiti ifo i le tolu (3) tausaga i le galue ai o se loia po o se loia faufautua, po o loia a se Matagaluega a le Malo, i totolu o Samoa po o i so o se isi lava atunuu ua faamaonia e le Fono mo faamoemoega o lenei faafuaiupu; po o
- (b) i so o se taimi lava i totolu o le lima (5) tausaga ua tuanai atu, ua galue o se loia faufautua, i totolu o tausaga e lima (5) ua tuanai atu, i totolu o Samoa po o i totolu o se isi atunuu i lana lava fitalia.

(2) E ao i se loia o lo o sailia le aia tatau e galue ai faa-loia i lana fitalia, e avea o se loia ma se loia faufautua, po o le galue faapaaga po o se loia e galue toatasi, ona talosaga atu i le Fono mo le tuuina atu o se tusi faamaoni e galue ai, ma e ao ona faamalieina le Fono, e faapea o ia:

- (a) ua ia ausia manaoga o le faafuaiupu (1); ma
- (b) i le noatia ma le fai fuafua i le faafuaiupu (3), sa nofo i Samoa mo se vaitaimi e lē ititi ifo i le tolu (3) tausaga a o lumanaai tonu ai lana talosaga; ma
- (c) e ao ona i ai i Samoa ina ia faatino le faafoega o le galuega i se tulaga tumau, po o ua faia ni fuafuaga ia ua malilie i ai le Fono, mo se loia e talafeagai lona poto masani e auai tumau ai i le faafoega o le galuega; ma
- (d) ua i ai le tomai ma le poto masani ua lava atoatoa i le tagofiaina o tupe tausi e tusa ai ma manaoga uma ua faaaogāina i ia tupe ma teugatupe; ma
- (e) ua faia ni fuafuaga talafeagai mo le sueina o tusi a le teugatupe tausi lea e manaomia ona tausia e le loia i lalo o le Vaega VI; ma
- (f) ausia so o se manaoga faaopoopo ua faaaogāina i le aia tatau a loia ma loia faufautua e galuluai ai faa-loia i le latou fitalia.

(3) Ua mafai i Tulafono Faafoe ona aiaia ai tuusaunoaga i manaoga o le nofomau o le faafuaiupu (2)(b) i luga o mafuaaga e faapea sa aoga se loia po o sa galue mo se vaitaimi i fafo a o lumanaai ai lona galue faa-loia i Samoa mo se vaitaimi ua faamaotiina mai e Tulafono Faafoe.

(4) I le faatagaina atu o se tusi faamaoni e galue ai i lalo o lenei fuaiupu, e mafai e le Fono ona:

- (a) talosagaina le loia e tuuina atu se faamatalaga faaopoopo; po o
- (b) faaee atu so o se tuutuuga ia e mautinoa ai le tausisia o le faafuaiupu (2), ma so o se Tulafono Faafoe talafeagai.

(5) O le solia o se aiaiga o lenei fuaiupu, ua avea o se amioga e lē tusa ai tau le galuega.

34. Loia galue toatasi-(1) E leai se tagata e tatau ona galue e avea o se loia galue toatasi i totonu o faamasinoga a Samoa sei vagana ai o lea tagata:

- (a) ua faauluina e avea o se loia ma se loia faufautua; ma
- (b) umia se tusi faamaoni e galue toatasi ai faa-loia.

(2) O se loia o lo o ia umia se tusi faamaoni e galue toatasi ai e mafai ona ia galue i le na o le avea o se faufautua ma e noatia i ni tapulaa e faapea:

- (a) e lē mafai ona ia taliaina se tupe (i teugatupe tausi po o i se isi faiga e ese ai) mai so o se tagata e faaaogāina le auauanga; ma
- (b) e lē mafai ona ia tuuina atu so o se auauanga faa-loia ia e tuuina atu faapitoa e se loia, ia ua taua -
 - (i) o le saunia o so o se faaliliuina atu; po o
 - (ii) le saunia o so o se mavaega,
- e ese mai i le faatonuga a se loia; po o
 - (iii) le saunia o so o se isi pepa aloaia ua faasaina po o ua faatapulaaina i se loia ma se loia faufautua e tusa ai ma Tulafono Faafoe; po o
 - (iv) le faatinoga o so o se isi lava galuega faa-loia po o se isi galuega ua faasaina po o ua faatapulaaina i se loia ma se loia faufautua e tusa ai ma Tulafono Faafoe; ma

- (c) i le noatia ma le fai fuafua i le faafuaiupu (3), e mafai ona tuuina atu galuega faa-loia pe a faamalamalama manino atu pe faatonuina le faia faapea, e se loia.

(3) E mafai i Tulafono Faafoe ona faatagaina loia ina ia taofia i se faiga tuusao e tagata e faaaogāina le auauanga i ni tulaga maoti e aliae mai.

(4) E ese mai i le faafuaiupu (1)(a), e mafai e se loia ona maua i se auala tuusao totogifuapauina mai se tagata faaaogāina le auauanga mo se galuega ua faia e tusa ai o Tulafono Faafoe o lo o tagofiaina ai mataupu i lalo o le faafuaiupu (3).

(5) O le solia o se aiaiga o lenei fuaiupu ua avea o se amioga e lē tusa ai tau le galuega.

35. Tuuina atu ma le faalēaogāina o tusi faamaoni faaletausaga e galue ai-(1) E mafai e le Sosaiete a Loia ona tuuina atu i se loianofomau po o se loia lēnofomau ua ausia manaoga o lenei Vaega, so o se tasi o ituaiga o tusi faamaoni faaletausaga e galue ai ua taua e faapea:

- (a) se tusi faamaoni faaletausaga faatapulaa e galue ai;
- (b) se tusi faamaoni faaletausaga e lē faatapulaaina e galue ai;
- (c) se tusi faamaoni faaletausaga e galue ai toatasi.

(2) O se tusi faamaoni faaletausaga e galue ai sa tuuina atu i lalo o lenei Vaega, ua faamutaina:

- (a) i le aso 31 o Tesema i le tausaga lea sa tuuina atu ai; po o
- (b) pe a faamuta ona toe avea lē e umiaina ma loia mo so o se mafuaaga; po o
- (c) pe a taofia lē tumau lē e umia mai le galuega faa-loia i lalo o lenei Tulafono, ona o so o se mafuaaga; po o
- (d) pe a aveesea le igoa o lē e umiaina mai le tusi e faamau ai suafa e tusa o lenei Tulafono; po o
- (e) pe afai ua faalēaogāina e le Fono se tusi faamaoni faaletausaga e galue ai se loia i le tuuina atu o se tusi faamaoni faaletausaga o se isi ituaiga e galue ai lena loia.

(3) E ese mai i le faafuaiupu (2), pe afai i so o se tausaga lea ua tuuina atu ai se tusi faamaoni e galue ai, o le aveesea o le igoa po o le taofia lē tumau o so o se loia ua toe faaui i tua po o le faalēaogāina e ala i se poloaiga a le Faamasinoga o Talosaga po o le Faamasinoga Sili, po o se isi itu e ese ai, e tatau ona faatatauina se tusi faamaoni e galue ai se loia o se tusi faamaoni e aloaia pea lona aogā mo le vaitaimi o totoe mo faamoemoega o lenei Vaega mai le aso e toe faaui ai i tua po o le faalēaogāina.

(4) E ese mai i le faafuaiupu (2)(a), e mafai e le Fono ona faamaoni se aso ina ua tuanai ai le faamutaina o se tusi faamaoni e galue ai se loia ina ia oo atu i lea taimi ua tatau ona faia le talosaga mo le tuuina atu o se tusi faamaoni fou e galue ai, ma ua agavaa i ai le loia e faaaauau pea ona galue faa-loia i lalo o le pule faataga a le tusi faamaoni ua faamutaina seia oo i le aso ua faatulagaina mai e le Fono.

(5) Afai ua aveesea se loia lē nofomau po o ua taofia lē tumau mai lana puleaga faa-faamasinoga e masani ona galue ai, e mafai ona faatatauina lea loia ua aveesea po o ua taofia lē tumau i lalo o lenei Tulafono ma e lē mafai ona galue e avea o se loia po o se loia faufautua i totonu o Samoa.

(6) Afai e toe faaaauau ona galue le loia lēnofomau ina ua maea ona taofia lē tumau po o le aveesea mai i lana puleaga faafamasinoga e masani ona galue ai, e mafai e le loia ona talosaga i le Faamasinoga Sili po o le Fono mo le toe faauluina po o le tuuina atu o se tusi faamaoni e galue ai.

(7) O tusi faamaoni e galue ai, ua tuuina atu i loia ia o lo o i ai i le tusi e faamau ai suafa o loia e galulue lē tumau ua taua i totonu o le fuaiupu 14(1)(b), e ao ona tuuina atu i luga o se faatulagaga faaletausaga, peitai e lē tatau ona sili atu le umi o le taimi e faauluina lē tumau ai ua fuafuaina i lalo o le fuaiupu 24.

(8) Afai ua molia faaletulafono se loia i se soligatulafono e aofia ai le lē faamaoni, ua faatatauina lea tusi faamaoni faaletausaga e galue ai, ua faalēaogāina e tusa ai o lenei fuaiupu mai le aso o le moliaga faaletulafono.

36. Totogifuapauina faaletausaga e galue ai-(1) E mafai e le Fono a le Sosaiete a Loia, e ala i se faasilasilaga i le Savali ma se isi nusipepa, ona faatulaga ai totogifuapauina mo tusi faamaoni faaletausaga e galue ai ia e mafai ona totogiina atu e loia i le Sosaiete.

(2) Afai ua fuafuaina e le Fono se siitaga o totogifuapauina faaletausaga e galue ai, e lē tatau i se siitaga ua fuafuaina ona sili atu i le 50% o le totogifuapauina o i ai nei.

(3) E mafai ona faatulaga ni totogifuapauina eseese mo ituaiga tusi faamaoni eseese e galue ai.

(4) E mafai ona faatonuina i tulafono faatonutonu isi totogifuapauina ina ia totogiina i le taimi e tuuina atu ai tusi faamaoni e galue ai.

VAEGA VI **TEUGATUPE TAUSI A LOIA**

37. Ia totogi atu e le loia tupe a tagata o lo o faaaogāina le auauanaga i totonu o teugatupe tausi i se faletupe-(1) So o se tupe e maua mo, po o i le avea ai ma sui o se tagata e se loia faufautua, e tatau ona:

- (a) umia faapitoa e le loia faufautua mo lena tagata; ma
- (b) ia totogi atu i lena tagata po o e pei ona faatonuina e lena tagata; ma

(c) seia oo ina ua faapea ona totogi, ia totogiina i totonu o se faletupe i se teugatupe tausi e ese ai a lena loia, po o le ofisa loia lea o lo o galue ai le loia.

(2) O le tupe e lē tatau ona:

(a) faaaogāina mo le totogiina o aitalafu a so o se tasi lava tagata o lo o nofo aitalafu i le loia, ma e lē mafai ona faaaogāina mo le manuia o le loia, po o lona ofisa loia, seia vagana ai le totogiina o totogifuapauina faaletulafono ua tuuina atu i pepa e totogi ai tupe ua faaee atu i ai e ala i le tuuina atu o se pili o tau e totogi; po o

(b) ia faapipii atu po o ua faia i lalo o se poloaiga po o se taualumaga a so o se Faamasinoga i le itu i so o sea tagata o lo o nofo aitalafu i le loia po o le ofisa loia.

(3) O se soliga o le faafuaiupu (1) po o le (2) o se amioga lea e lē tusa ai tau le galuega.

(4) E leai se mea o i totonu o lenei fuaiupu o le a tatau ona faauigaina faapea, ua aveeseina pe afaina ai so o se tagi ua tatau ai po o se aia tatau e taofi ai se meatotino a se tagata nofo aitalafu seia oo ina ua totogi lana aitalafu lea e mafai ona maua e so o se loia e faasaga i so o se tupe na faapea ona maua e ia, pe afai o aia tatau ua tapaina e le loia ua ogatasi ma lenei Tulafono ma Tulafono Faafoe.

38. Pulea o le teugatupe tausi i nisi itu-(1) O le fuaiupu lenei e faaaogā pe afai ua faamalieina le Fono e faapea o se loia o lo o galue i totonu o Samoa:

(a) ua taofia lē tumau mai le galuega faa-loia; po o

(b) ua uma ona aveese lona igoa mai le tusi e faamau ai suafa; po o

(c) ua taofia ona galue faa-loia ma ua faatalale i le faataapeina o lana teugatupe tausi ae ua uma ona tuuina atu ia te ia se faasilasilaga e tatau ai e le Fono o lo o faatonuina ai ina ia faapea ona faia; po o

(d) ona o le lē atoatoa o le malosi o le tino po o le mafaufau, po o ona o so o se tasi lava mafuaaga ua na lē mafaia ai ona pulea lelei lana teugatupe

tausi po o ua lē mafai ona ia faafoe lelei lana teugatupe tausi; po o

(e) ua faia i ai se faamasinoga i lona lē mafaia ona totogi ana aitalafu, po o ua lē mafai ona totogi ana aitalafu; po o

(f) ua gaoi po o ua faia so o se mea e lē tatau ai e faasino i tupe po o meatotino a so o se tasi lava tagata; po o

(g) ua maliu o ia,

ma e faapea o so o se tupe na tuuina atu i le tulaga faatuatuaina i lea loia o lo o taofia i totonu o se faletupe i se teugatupe tausi a le loia.

(2) Afai i so o se itu e faaaogā i ai lenei fuaiupu, ua i ai i le taofi o le Fono e faapea ua talafeagai ai le tatau ona pulea o le teugatupe tausi e le Fono, e mafai e le Failautusi ona faaoo atu i le faletupe se faasilasilaga e sainia e so o se toalua (2) o sui auai o le Fono o lo o faatonuina ai le faletupe ina ia totogi atu i le Sosaiete a Loia so o se tupe o lo o taofia e le faletupe i totonu o le teugatupe tausi.

(3) I le maua ai o le faasilasilaga, o le a tatau loa lava i le faletupe ona vave totogi atu i le Sosaiete a Loia so o se tupe na taofia i totonu o le teugatupe tausi lea e faasino i ai le faasilasilaga, ma o le lisiti a le Sosaiete o le a tatau ona avea lea o se tuusaunoaga atoatoa ua tuuina atu i le faletupe mai so o se noataga e tusa ai o lea tipe.

(4) I le maua ai o le tupe, o le a tatau loa lava i le Fono ona vave totogi atu lea tupe i totonu o se teugatupe e ese ai i le faletupe, lea e faatoa mafai ona faagaoioia e ni tagata, e lē itiiti ifo i lo le toalua (2) e tofia e le Fono mo lea faamoemoe.

(5) Afai o so o se tupe lea sa taofia e se loia e avea ai ma sui o se tagata ua totogi atu i le Sosaiete a Loia i lalo o lenei fuaiupu, o le a tatau i lea tupe ona taofia e le Sosaiete i se tupe tausi mo lea tagata.

(6) E ese mai ai i le faafuaiupu (1) e oo i le (5), o se tagata:

(a) o ia lea o se loia, ma ua i ai foi ia te ia le matafaioi faaletulafono mo le puleaina o tupe sa amata ona taofia i totonu o le teugatupe tausi; po o

(b) o ia lea ua na faaalia e faapea ua matua afaina i se isi itu e ese ai ona o so o se tupe totogi atu i le Sosaiete a Loia i lalo o lenei fuaiupu,

e mafai ona talosaga i le Faamsinoga Sili mo se poloaiga e faatonuina ai le Sosaiete ina ia toe totogi atu le tupe i totonu o le teugatupe i le faletupe lea na totogi mai ai le tupe, po o mo se isi lava poloaiga e pei ona ua manatu le Faamsinoga Sili ua talafeagai ai.

(7) E ese mai ai i le faafuaiupu (6), e mafai e le Fono ona toe totogi atu le tupe (po o so o se vaega o le tupe) i totonu o le teugatupe i le faletupe lea na totogi mai ai le tupe.

39. Sueina faasuetusi o teugatupe tausi-(1) E tatau i se loia ona faamautinoa ua sueina faasuetusi o lana teugatupe tausi a ititi mai o le tasi i le tausaga e se tausitusi faamauina ua faamaonia.

(2) Afai, i totonu o se tausaga, ua mauaina e le Fono se faasea mai se tagata e uiga i le tipe a le tagata o lo o i totonu o se teugatupe tausi a se loia, i lalo o le faafuaiupu (1), e tatau i le Fono, i totonu o le tolu (3) masina talu ona mauaina le faasea, ona tofia se tausitusi faamauina e sueina faasuetusi le teugatupe tausi a le loia, e totogina e le Fono.

(3) E mafai e le Minisita ona tofia le Suetusi Sili po o se tausitusi faamauina e faatino le sueina faasuetusi tumaoti o se teugatupe tausi pe afai:

(a) e le i faatinoina o se suega faasuetusi po o ua faatuai i se tulaga lē talafeagai i lalo o le faafuaiupu (2); po o

(b) ua faia se faasea i le Minisita e uiga i le faaaogā sese o se teugatupe tausi; po o

(c) ua faamalieina le Minisita, mo le manuia o tagata lautele, e faapea sa tatau lava ona sueina faasuetusi le teugatupe tausi.

(4) O se ata o le lipoti o le sueina o tusi na faatinoina i lalo o lenei fuaiupu e tatau ona tuuina atu i:

(a) le loia e ana le teugatupe tausi ua sueina faasuetusi i lalo o le faafuaiupu (2) po o le (3) i totonu o le lua (2) masina talu ona maea le lipoti; ma

(b) i so o se isi lava tagata ua faatonuina e tulafono faatonutonu.

(5) Ua faia e se loia se amioga e lē tusa ai tau le galuega pe afai o le loia ua na solia le faafuaiupu (1).

(6) I totonu o lenei fuaiupu:
“tausitusi faamauina” e i ai lona uiga ua i ai, i totonu o le Tulafono o le Inisetiute o Tausitusi a Samoa 2006;
“Suetusi Sili” o lona uiga o le Pule ma Suetusi Sili ua tofia i lalo o le Faavae;
“tupe” e aofia ai tupe ua faamoemoe e avea ma tupe o se teugatupe tausi lea e le i teuina i totonu o le teugatupe tausi a le loia.

VAEGA VII
MATAUPU TAU LE FAAFOEGA
O AMIOGA PULEA

Vaevaega 1 - Tulaga Lautele

40. Faamatalaina o uiga o upu - I totonu o lenei Vaega:
“tagata faasea” o lona uiga o se tagata po o se tagata o faaaogāina le auaunaga a se loia, o ia lea ua faia o se faasea i lalo o le fuaiupu 44;
“lipoti o le duesuega” o lona uiga o se lipoti ua saunia e le Komiti o Faasea i luga o ana duesuega i lalo o lenei Vaega;
“tagata tete” o lona uiga o se loia o ia lea o lo o faia i ai le faasea a se tagata o lo o faasea.

41. Amioga e lē tatau ai tau le galuega - Ua faia e se loia o se gaoioiga o se amioga e lē tatau ai tau le galuega pe afai e solia e ia:

- (a) so o se matafaioi faavae i totonu o le fuaiupu 3(2); po o
- (b) so o se isi manaoga o faaaogāina i le galuega faa-loia i lalo o lenei Tulafono, o Tulafono Faatonutonu po o Tulafono Faafoe pe afai -
 - (i) ua lē ausia e le loia tulaga faataatitia tau le amio e tusa ai o agavaa ma le galue filiga e tusa ai ma galuega faa-loia lea e manaomia e tagata lautele e talafeagai ai mo se loia agavaa; po o

(ii) le amio a le loia e aafia ai se tulaga matuia po o le faauau pea ona lē mafaia ona ausia pe tausia tulaga faataatitia talafeagai o itu i agavaa ma le galue filiga.

42. Amioga e lē tusa ai tau le galuega-(1) Ua faia e se loia o se gaoioiga o se amioga e lē tusa ai tau le galuega pe afai ua ia solia:

- (a) so o se matafaioi faavae ua taua i le fuaiupu 3(2); po o
- (b) so o se isi manaoga o faaaogāina i le galuega faa-loia i lalo o lenei Tulafono, Tulafono Faatonutonu po o Tulafono Faafoe; po o
- (c) so o se isi gaoioiga po o se mea ua lē faia, e tusa lava po o i galuega faa-loia pe leai foi.

(2) So o se tasi o nei gaoioiga ua taua lava o amioga e lē tusa ai tau le galuega mo le faamoemoe o lenei Vaega:

- (a) o se tulaga ua lē mafaia ona mataituna o manaoga o faaaogāina i se teugatupe tausi i lalo o lenei Tulafono, lea e aafia ai le aveina e le loia o tupe tausi ua solia ai o na manaoga;
- (b) o le aveina o fanua totino i se tagata o faaaogāina le auaunaga e avea ma totogi o totogi faaletulafono;
- (c) ua lē mafai ona lagolago atu i se suesuega po o se taualumaga ua faatino i lalo o lenei Vaega;
- (d) ua faamaonia se moliaga mo se soligatulafono e aafia ai o le lē faamaoni;
- (e) o se gaoioiga po o se mea ua lē faia ua avea o se amioga e lē tusa ai tau le galuega i lalo o lenei Tulafono, Tulafono Faatonutonu po o Tulafono Faafoe.

43. Tauleagavaaina mo le Komiti o Faasea ma le komisi faamasino e faatonutonuina amio-(1) E lē agavaa se sui auai o le Fono mo le tofiaina i le Komiti o Faasea po o se komisi faamasino e faatonutonuina amio.

(2) E lē agavaa se sui auai o le Komiti o Faasea mo le tofiaina i se komisi faamasino e faatonutonuina amio.

(3) E lē agavaa se sui auai o se komisi faamasino e faatonutonuina amio mo le tofiaina i le Komiti o Faasea.

44. Totogi - E agavaa se sui auai o le Komiti o Faasea po o se komisi faamasino e faatonutonuina amio (e aofia ai se loia ua tofia e avea ma tagata e faia moliaga i lalo o le fuaiupu 50), i totogi ma isi alauni ua faatulagaina e le Fono ma e mafai ona totogi atu mai faaputugatupe a le Sosaiete.

*Vaevaega 2 - Faasea, suesuega
ma le Komiti o Faasea ma Suesuega*

45. Faasea ma le taofia lē tumau-(1) E mafai e se tagata ua faasea ona faia o se faasea tusitusia i le Fono, ia taua ai o itu uma nei:

- (a) le igoa atoa, tuatusi ma isi itu e fesootai ai a lē ua faasea;
- (b) le faailoga e iloagofie ai le tagata tetee;
- (c) le amio ua tuuaia ai i le faasea.

(2) E mafai e le Fono i ana lava fuafuaga ona amatalia o se faasea ma faatoai atu i le Komiti o Faasea, lea e mafai ona aofia ai itu nei:

- (a) pe afai ua molia se loia i se soligatulafono e aafia ai le lē faamaoni; po o
- (b) so o se saililiga matuia a se faamasinoga i le amio a se loia ua faaoo mai e le faamasinoga i le Fono.

(3) E tatau i le Fono ona tuuina atu o faasea uma i le Komiti o Faasea.

(4) E mafai e le Fono, a o talia o se suesuega, ona fofogaina po o le faia o se faaiuga o se faasea, ona taofia lē tumau se loia mai le galuega pe afai ua faamalieina e faapea o le faasea ua matuia tele ua alagatatau ai le taofia lē tumau.

(5) Mo faamoemoega o le faafuaiupu (4), e tatau i le Fono ona faaoo atu muamua o se faasilasilaga a itiiti mai o le 10 aso faigaluega, i le loia lea o lo o manaomia ina ia tali mai i le itu e mafua ai ona lē tatau ona taofia lē tumau o le tusi faamaoni e galue ai.

46. Ia logoina le tagata ua faasea ma mafuaaga mo faaiuga-(1) E tatau i le Failautusi ona logoina i se faiga tusitusia le tagata ua faasea:

- (a) ina ua maua o le faasea; ma

(b) so o se faaiuga a le Fono, Komiti o Faasea po o se komisi faamasino e faatonutonuina amio i lalo o lenei Vaega.

(2) E tatau i le Fono, le Komiti o Faasea po o se komisi faamasino e faatonutonuina amio, ona tuuina atu mafuaaga mo lana faaiuga i lalo o lenei Vaega.

(3) E tatau i le Failautusi ona auina atu:

(a) so o se faaiuga o le taofia lē tumau e le Fono, i le Faamasino Sili, le Minisita ma le Loia Sili; po o

(b) so o se faaiuga e faalēaogāina ai se faasea e le Komiti o Faasea po o so o se faaiuga i le faasalaga ua faaee atu e se komisi faamasino e faatonutonuina amio i le Faamasino Sili, le Minisita, le Fono ma le Loia Sili.

47. Komiti o Faasea ma Suesuega-(1) Ua faavaeina i lenei fuaiupu le Komiti o Faasea ma Suesuega, e aofia ai sui nei ua tofia e le Fono:

(a) se sui auai sinia o le Sosaiete, e avea ma taitaifono;

(b) nisi sui auai e toafa (4) o le Sosaiete.

(2) E mafai e le Fono ona filifilia i le Komiti nisi sui auai o le Sosaiete e ala i le palota a sui auai o i ai nei, pe afai o i ai se feteenaiga po o se tulaga e ono tulai mai i aia feteenai a sui auai o le Komiti, i se mataupu o le a tagofia e le Komiti.

(3) O taualumaga nei e faaaogā i se fonotaga a le Komiti:

(a) o le taitaifono po o (pe afai e toesea le taitaifono) o se sui filifilia e sui auai o lo o i ai, e taitaia;

(b) e toatolu (3) sui auai ona mafai lea ona maua le aofaiga e faia ai se fono;

(c) e i ai i le nofoa se palota e fai ai filifiliga ma se palota e fai ai faaiuga;

(d) o se fesili o le a fuafuaina se faaiuga e ala i le vaega toatele o palota.

(4) E mafai e le Komiti ona faatonutonu o ana lava taualumaga, i le noatia ma le fai fuafua i lenei Tulafono.

(5) O galuega tauave a le Komiti o Faasea:

(a) ia talia ma iloilo faasea uma ua tuuina atu i ai e le Fono;

- (b) ia suesue faasea po o le faatinoina o so o se isi lava saililiga o manaomia mo le faamoemoe o lenei Vaega;
- (c) ia fuafuaina o se faasea e faamautinoa ai pe o se amioga e lē tatau ai tau le galuega po o se amioga e lē tusa ai tau le galuega;
- (d) ia faia moliaga ma faatulaga ma faafoe taualumaga i luma o se komisi faamasino e faatonutonuina amio.

48. Nisi faamatalaga-(1) E mafai e le Komiti o Faasea ona tuuina atu o se faasilasilaga tusitusia a itiiti mai o le 10 aso faigaluega i le tagata o faasea, ina ia tuuina mai nisi faamatalaga po o le faamaonia o so o se faamatalaga e ala i se pepa aloaia ua faatautoina po o se faaaliga manino faaletulafono.

(2) E mafai e le tagata o faasea ona talosaga i se faiga tusitusia i le Komiti o Faasea ina ia toe faaopoopo le 10 aso i se isi vaitaimi talafeagai ua faamaonia e le Komiti.

49. Faalēaogāina po o le foia o faasea-(1) E mafai e le Komiti o Faasea ona faalēaogāina le faasea i luga o so o se mafuaaga nei ua taua:

- (a) o le umi o le taimi lea ua alu i le va o le mea na tupu lea ua avea ma mataupu o le faasea ma le aso lea na faia ai le faasea ua faigata ai ona faatino po o ua lē alagatatau ai ona faia o se suesuega; po o
- (b) o le mataupu autu o le faasea e foliga mai e faamaumau taimi ma ua fai ma toatuga, lē malamalama, lē faavaeina po o e le i faia le faasea i se agaga lelei; po o
- (c) ua faaui i tua po o ua foia le faasea e le tagata e ana le faasea; po o
- (d) o le tagata e ana le faasea e faaleai sona naunau i le mataupu autu o le faasea; po o
- (e) ua lē usitaia e lē e ana le faasea le fuaiupu 47; po o
- (f) ua faamalieina le Komiti e faapea o lana lipoti o le suesuega e le o tuuina atu ai so o se faamatalaga molimau o se amioga e lē tatau ai tau le galuega po o se amioga e lē tusa ai tau le galuega; po o
- (g) o lo o avanoa i isi auala se vaifofo talafeagai.

(2) E mafai e lē e ana le faasea ona faia o se faasea fou, pe afai ua faalēaogāina le faasea i lalo o le faafuaiupu (1)(e) po o, pe afai e tuuina mai o ni faamatalaga molimau fou i lalo o le faafuaiupu (1)(f).

(3) Afai ua faamalieina le Komiti o Faasea e faapea o le faasea e mama pe fesootai i se amioga e lē tatau ai tau le galuega, e mafai e le Komiti ona foia le mataupu faatasi ai ma le maliega a lē e ana le faasea.

50. Suesuega-(1) E mafai e le Komiti ona duesueina o faasea uma e uiga i amioga e lē tatau ai tau le galuega po o amioga e lē tusa ai tau le galuega.

(2) E ese mai ai i le faafuaiupu (1), e mafai e le Komiti ona tofia:

(a) se tasi o ona sui auai e duesueina i le avea ai ma sui o le Komiti, amioga e lē tatau ai tau le galuega ma ia faia o se lipoti o le duesuega i le Komiti mo lana iloiloga; po o

(b) a itiiti mai o le toalua (2) sui auai e duesueina, i le avea ai ma sui o le Komiti, o se amioga e lē tusa ai tau le galuega, ma ia faia o se lipoti o le duesuega i le Komiti mo lana iloiloga.

(3) I le tauaveina o se duesuega, e mafai e le Komiti o Faasea ona manaomia le tagata tetee:

(a) ia tuuina atu, i se faiga tusitisi po o e lona lava tagata, i totonu o se taimi talafeagai ua taua, se faamalamalamaga atoatoa o le mataupu ua duesueina; po o

(b) ia tulai i se taimi talafeagai ma le nofoaga ua taua; po o

(c) ia tuuina atu i totonu o le taimi talafeagai ua taua, so o se pepa aloaia o lo o i le puipuigamalu a le tagata tetee, umia po o o lo o puleaina lea e agavaa i ai le loia o lo o galue e tusa ma le tulafono ina ia tuuina atu; po o

(d) ia tali atu i le faasea, ma tuuina atu so o se tali i fesili ua fesiligia ai e le Komiti e ala i so o se faiga, ma so o se faamatalaga po o pepa aloaia o manaomia e le Komiti.

51. Tuuaiga ma moliaga faaletulafono-(1) Afaí ua maea o se suesuega, e mafai e le Komiti o Faasea ona amatalia ma faafoe so o se taualumaga mo amioga e lē tatau ai tau le galuega po o amioga e lē tusa ai tau le galuega i luma o se komisi faamasino e faatonutonuina amio.

(2) E mafai e le Komiti o Faasea ona tofia so o se tasi o ona sui auai po o se loia e tauaveina o ona malosiaga i lalo o le faafuaiupu (1).

*Vaevaega 3 - Komisi Faamasino
e Faatonutonuina Amio a Loia*

52. Komisi faamasino e faatonutonuina amio-(1) Ua faavaeina i lenei fuaiupu o komisi faamasino e faatonutonuina amio a loia, e aofia ai sui auai nei ua tofia e le Fono:

(a) mo le fofogaina ma le faia o faaiuga i amioga e lē tusa ai tau le galuega -

(i) o se loia sinia o ia lea sa galue faa-loia i totonu o Samoa po o se isi atunu, a itiiti mai o le valu (8) tausaga, e avea ma taitaifono; ma

(ii) se loia o ia lea sa galue faa-loia i totonu o Samoa po o se isi atunu, a itiiti mai o le lima (5) tausaga; ma

(iii) o se sui auai o ia lea e le o se loia; ma

(b) mo le fofogaina ma le faia o faaiuga i amioga e lē tatau ai tau le galuega -

(i) o se loia agavaa i lalo o le parakalafa

(a)(i) po o le (ii), e avea ma taitaifono; ma

(ii) se sui auai o ia lea e le o se loia.

(2) I totonu o le faafuaiupu (1), “loia” e aofia ai se faamasino ua malolo litaea.

(3) E tatau i le Fono ona faamautinoa e faapea o se sui auai o se komisi faamasino ia lē i ai so o se feteenaiga po o se aia feteenai e ono tulai mai, e uiga i le mataupu o le a fofogaina ma faia i ai o se faaiuga.

(4) Afaí ua molia se loia mo se amioga e lē tusa ai tau le galuega, ma se amio e lē tatau ai tau le galuega, o moliaga tau le faatonutonu o le amio o le a fofogaina e se komisi faamasino e tofia i lalo o le faafuaiupu (1)(a).

(5) O taualumaga nei e faaaogā i se fonotaga a se komisi faamasino:

- (a) e nofoia le nofoa e le taitaifono;
- (b) toalua (2) sui auai ona mafai lea ona faia o se fono;
- (c) e i ai i le nofoa le palota e fai ai se filifiliga ma le palota e faia ai o se faaiuga;
- (d) o le a faia o se faaiuga i se fesili e ala i le fulisia o palota i le vaega toatele.

(6) E mafai e se komisi faamasino ona faatonutonuina o ana lava taualumaga i le noatia ma le fai fuafua i lenei Tulafono.

53. Malosiaga ma tiute tauave o komisi faamasino-(1) O se komisi faamasino:

- (a) e mafai ona fofogaina ma fuafua o moliaga uma tau le amio e lē tusa ai tau le galuega ma amioga e lē tatau ai tau le galuega; po o
- (b) e mafai ona faalēaogāina le moliaga pe afai o le faasea e faamaumau taimi pe ua fai ma toatuga, lē malamalamā, lē faavaeina po o le faasea sa le i faia i se agaga lelei; po o
- (c) e mafai, i so o se taimi a o faagasolo taualumaga, ona foia le mataupu i le va o vaega auai; po o
- (d) e tatau ona tuuina atu i le tagata tetee se faasilasilaga talafeagai o le fofogaina o le mataupu ma se avanoa lelei e saunia ma faaalia ai o lana tetee; po o
- (e) e mafai ona tuufesili i tuuaiga faasaga i le tagata tetee i so o se faiga ua ia silafia e talafeagai ai, ma e mafai ona faatonutonuina o ana lava taualumaga, ia e tatau ona -
 - (i) faia e tusa ma taiala faavae o faiga amiontu; ma
 - (ii) ia tatala i tagata lautele, seia vagana ua fuafuaina e le komisi faamasino e faapea o lo o i ai ni mafuaaga faapitoa mo se taualumaga ina ia faagasolo (i sona vaega po o i lona atoaga atoa) e aunoa ma le tulaga e agavaa ai tagata lautele ina ia auai; po o

- (f) e tatau ona taumafai ina ia taunu i se faaiuga e faia e ala i se maliega, i le noatia ma le fai fuafua i le fuaiupu 51(5)(d); po o
 - (g) e mafai, i luga o se moliaga o le amio e lē tatau ai tau le galuega, ona faia o se sailiiliga e faapea o le amio ua oo atu lava i le tulaga o se amioga e lē tusa ai tau le galuega, ma ia faaee atu loa o se faasalaga e tusa ma lea itu; po o
 - (h) e mafai i luga o se moliaga o le amioga e lē tusa ai tau le galuega, ma faia o se sailiiliga e faapea o le amio ua oo atu lava i le tulaga o se amioga e lē tatau ai tau le galuega ma ia faaee atu loa o se faasalaga e tusa ma lea itu; po o
 - (i) e mafai ona faaee atu se faasalaga i lalo o le fuaiupu 54 po o le 55, lea e tatau lava ona vave ona aloaia.
- (2) E tatau i le Fono, ona vave faia o se gaoioiga e talafeagai ina ia faamamaluina ai o se faaiuga e faia e se komisi faamasino.

Vaevaega 4 - Malosiaga o sailiiliga ma faasalaga

54. Malosiaga o Komisi Suesue ia faaaaogā - Pe a tauaveina o se suesuega, sailiiliga po o le fofogaina o se mataupu i lalo o lenei Vaega, e i ai i le Komiti o Faasea ma se komisi faamasino, o malosiaga ua tuuina atu i lalo o le Tulafono o Komisi Suesue 1964.

55. Faasalaga mo amioga e lē tatau ai tau le galuega-(1) O se tagata tetee, o ia lea ua maua ua na faia o se gaoioiga o se amio e lē tatau ai tau le galuega, e noatia o ia i faasalaga ua taua e faapea:

- (a) o le tusi faamaoni e galue ai le tagata tetee o le a noatia ma fai fuafua i se tuutuuga ua faamaotiina;
- (b) ia faatino e le tagata tetee ma faamaea o se polokalame faa-aoaoga faapitoa o nsi aoaoga faaletulafono;
- (c) ia faatino e le tagata tetee se vaitaimi faapitoa o le galuega faa-loia i lalo o se vaavaaiga.
- (d) ia aloese le tagata tetee mai le faia o se tiute faapitoa e fesootai ma le galuega faa-loia;

- (e) ia noatia ma fai fuafua le galuega a le tagata tetee i asiasiga faavaitaimi a se tagata faapitoa mo se vaitaimi ua faamaotiina;
- (f) ia faia e le tagata tetee o se faamaulaloga tusitusia;
- (g) ia toe totogi atu e le tagata tetee, le aofaiga atoa po o se vaega o faamaotiina o le aofaiga e totogiina atu mo auauлага faaletulafono e fesootai i le faasea;
- (h) ia faalēaogāina pe faaitiitia e le tagata tetee o totogifuapauina faaletulafono e tusa ai o auauлага e fesootai i le faasea;
- (i) ia toe faaleleia e le tagata tetee, i ana lava tupe faaaogā, so o se mea sese po o se mea ua lē faia e tusa ai o auauagascar e fesootai i le faasea;
- (j) o se poloaiga ina ia totogi se faasalaga i le Sosaiete a Loia, ia lē silia le 20 iunite tau faasalaga.

(2) Afai ua lē mafaia e le tagata tetee po o ua ia teena le usitaia o se faasalaga ua faaee atu i lalo o le faafuaiupu (1) i totonu o le taimi ua faamaotiina i totonu o le faaiuga, ua avea lava e faapea ua faia e le tagata tetee o se gaoioiga o se amioga e lē tusa ai tau le galuega ma ua taofia lē tumau mai le galuega e ala i le faatinoga o lenei faafuaiupu mai le aso na faamuta ai le taimi faamaotiina i totonu o le faaiuga po o i lalo o le faafuaiupu (3).

(3) Afai e leai se taimi na faamaotiina mo le loia ina ia usitaia so o se faasalaga ua faaee atu i lalo o le faafuaiupu (1), e tatau i le loia ona usitaia lea taimi i totonu o le 30 aso talu ona faaee atu o le faasalaga.

56. Faasalaga mo amioga e lē tusa ai tau le galuega-(1) O se tagata tetee o ia lea ua maua ua na faia o se gaoioiga o se amioga e lē tusa ai tau le galuega, e noatia i faasalaga nei:

- (a) ia lapataia;
- (b) so o se faasalaga ua aiaia i totonu o le fuaiupu 54(1);
- (c) taofia lē tumau mai le galuega faa-loia mo se vaitaimi e lē silia le lima (5) tausaga;
- (d) o se poloaiga e lē toe galue ai faa-loia mo ia lava seja vagana ua faatagaina e le Fono;
- (e) o se poloaiga ina ia totogi se faasalaga i le Sosaiete a Loia ia lē silia le 50 iunite tau faasalaga;

(f) o se poloaiga ina ia toe totogi atu i le Sosaiete a Loia o tau ma tupe alu na faatupulaia mo faamoemoega o lenei Vaega;

(g) o se poloaiga ina ia aveese le igoa o le tagata tetee mai le tusi e faamau ai suafa.

(2) O le fuaiupu 54(2) ma le (3) e faaaaogā i faasalaga e faaee atu i lalo o lenei fuaiupu.

(3) O se loia ua taofia lē tumau mai le galuega po o ua aveesea lona igoa mai le tusi e faamau ai suafa, ma o ia lea, a o lumanai ai o sea gaoioiga, sa avea ma tagata e molimauina pepa faamaonia faaletulafono i lalo o le Tulafono o Alii e Molimauina Tusi Faamaonia Faale-Tulafono 1974, ua faapea ona vave ona faamatuu ese mai lena tofiga, ma e lē mafai ona toe tusia le igoa e avea ai o se tagata e molimauina pepa faamaonia faaletulafono, seja vagana ua toe faafaigaluegaina e le Fono po o le Faamsinoga Sili.

57. Faasalaga mo amioga e lē tusa ai tau le galuega e aafia ai teugatupe tausi-(1) I le noatia ma le fai fuafua i le faafuaiupu (4), o se tagata tetee o ia lea ua maua ua na faia o se gaoioiga o se amioga e lē tusa ai tau le galuega, e aafia ai le faaaaogāaina sese o tupe tausi, e tatau ona aveese lona igoa mai le tusi e faamau ai suafa.

(2) E tatau i se komisi faamasino e faatonutonuina amio ona faatulaga se vaitaimi, lea o le a lē agavaa ai le tagata tetee a o faagasolo lea taimi, e faia ai o se talosaga i le Faamsinoga Sili ina ia toe tusia lona igoa i le tusi e faamau ai suafa.

(3) I le faamutaina ai o le vaitaimi ua faasinomia i totonu o le faafuaiupu (2), e faatoa mafai lava e le tagata tetee ona toe tusia lona igoa i le tusi e faamau ai suafa, i luga o se poloaiga a le Faamsinoga Sili, pe afai e mafai e le tagata tetee ona faamalieina le Faamsinoga e faapea o lo o i ai mafuaaga lelei mo le tagata tetee e agavaa ai e galue faa-loia, ma e mafai e le Faamsinoga Sili ona faaee atu so o se tapulaa i luga o aia tatau e galue ai faa-loia lea e amanaia e le Faamsinoga, e faapea ua talafeagai.

(4) E mafai e se komisi faamasino ona fuafuaina e faapea o se tagata tetee o ia lea sa maua ua faia o se gaoioiga o se amioga e lē tusa ai tau le galuega, e aafia ai le faaaaogā sese o tupe o teugatupe tausi, ia tumau pea ona i ai i le tusi e faamau ai suafa pe afai:

- (a) o le faaaaogā sese o tupe o teugatupe tausi sa faia i se uiga faatalale ma le lē faamoemoeina; ma
- (b) ina ua silafia e le tagata tetee le faaaaogāina sese o tupe na faapea ona vave ona toe totogi o tupe uma i le teugatupe tausi, i le taimi lava lea.

(5) Afai ua manatu se komisi faamasino e faatonutonuina amio, o mafuaaga ua taua i totolu o le faafuaiupu (4) e faaaaogā i se mataupu ua i ona luma, e mafai e le komisi faamasino ona faaee atu so o se isi lava faasalaga ua aiaia i totolu o le fuaiupu 54(1) po o le 55(1).

VAEGA VIII **AIAIGA ESEESE**

58. Taofia lē tumau o loia ua lē toe mafai ona galue faa-loia ma malosiaga e faafoe ai le galuega-(1) Afai, i le tuanai ai o le faia o se saililiiga maeaea, ua faamalieina le Fono e faapea:

- (a) ona o le lē atoatoa o le malosi i le tino po o le mafaufau o se loia ua lē mafai ai ona faatino ona tiute tauave faale-galuega; ma
- (b) i se tulaga e manuia ai ana tagata o faaaaogāina lana auaunaga po o i se isi faiga e ese ai mo le manuia o tagata lautele le taofia lē tumau o le loia mai le galuega,

e mafai e le Fono ona faia o se poloaiga e taofia lē tumau ai le loia mai le galuega seia vagana ua faamalieina e le loia le Fono e faapea, ua le o toe i ai mafuaaga e tatau ai le taofia lē tumau mai le galuega.

(2) E mafai e Tulafono Faatonutonu ona faatonuina o malosiaga ma taualumaga mo le tauaveina o le pulega o se galuega faa-loia i lalo o lenei Vaega.

59. Faamatalaga molimau o totogifuapauina ma totogifuapauina faasili-(1) Afai e faafagaluegaina e se tagata se loia po o se kamupani loia, e tatau i le loia po o le kamupani loia,

a o le i faatinoina le auaunaga faa-loia ua talosagaina e le tagata, ona tuuina atu o se tusi o lo o faatulagaina ai totogifuapauina ma tupe totogi faatatauina mo le auaunaga faaletulafono ua faamoemoe e faatino.

(2) E faatoa mafai lava e se loia ona faaee atu se totogi ma toe faaola mai tupe totogi e sagatonu ma talafeagai i tulaga aliae mai, i le amanaia ai o le tulaga faigata sa aafia ai i le galuega.

(3) Afai sa faaee atu totogi i luga o se faiga faavae i taimi sa galue ai, e ao ona faavae ia totogi i luga o le na o le taimi tonu lava sa galue ai mo lē o faaaogāina le auaunaga.

(4) Afai i le faagasologa o le tauaveina o le galuega faa-loia, ua manatu le loia po o le kamupani loia e faapea o le a i ai se siitaga i totogifuapauina po o totogi ua faatatauina i lalo o le faafuaiupu (1), e tatau i le loia po o le kamupani loia ona tuuina atu o se isi tusi o faatulagaina ai le siitaga o totogifuapauina po o tau.

(5) O le tiute tauave o le faamautuina e faapea o totogi ua faaee atu e se loia o lo o sagatonu ma talafeagai o le a i ai pea lea i le loia.

(6) E mafai e le Fono po o se faamsinoga ona poloaia e faapea o se vaega o totogifuapauina sa iloiloina ua faapea ona sili atu i le tulaga e tonu ma talafeagai ai ona toe totogi atu i lē o faaaogāina le auaunaga, e faaopoopo i so o se isi lava faasalaga ua faaee atu i lalo o le Vaega VII.

(7) O se soliga o se aiaiga o lenei fuaiupu o se mafuaaga lea mo se gaoioiga tau le faatonutonuina o le amio i lalo o le Vaega VII.

60. Faaaogāina o fuaitau “tagata ofisa faaletulafono” ma “loia faatoa amata i le galuega”-(1) E lē tatau i se tagata ona faaaogā fuaitau o le “tagata ofisa faaletulafono” po o le “loia faatoa amata i le galuega” a o faagasolo lana galuega, seia vagana o le tagata:

(a) ua faafaigaluega e se loia i lalo o le tofiga o le “tagata ofisa faaletulafono” po o le “loia faatoa amata i le galuega”, ma e noatia ma fai fuafua, a o faagasolo

lana galuega, i le vaavaaiga a lena loia, o ia lea o lo o nafa mo le galuega o faatino e le tagata ma mo fautuaga tuuina atu a o faagasolo le faatinoga o le galuega a le tagata; po o

(b) ua faaaogā ma faatatauina so o se tasi o na fuaitau e tusa ai ma tulafono faatonutonu.

(2) O se tagata o ia lea ua na solia le faafuaiupu (1) ua na faia o se soligatulafono ma e noatia i luga o se moliaga ua faamaonia faaletulafono i se sala tupe e lē silia le 50 iunite tau faasalaga po o le nofosala i le falepuipui mo se vaitaimi e lē silia le masina e tasi (1), po o ia faasalaga uma e lua.

61. O isi fuaitau faasaina-(1) E leai se ofisa i totonu o so o se matagaluega a le Malo po o se lala sooupū, po o i totonu o so o se kamupani po o se faalapotopotoga i totonu o Samoa, e mafai ona faaaogāina le fuaitau “tagata ofisa faaletulafono”, “loia a le faalapotopotoga ua tuufaatasia”, “Pule o Auaunaga Faaletulafono” po o so o se isi lava fuaitau faapena lea e foliga mai o lo o faailoa atu e faapea o lē e umiaina le tofi ua faatagaina e galue faa-loia e tusa ai ma lenei Tulafono, seia vagana ai o lē o umia le tofi o se loia ma o lo o ia umiaina se tusi faamaoni talafeagai e galue ai i lalo o lenei Tulafono.

(2) O se tagata o ia lea:

(a) o lo o faaaogāina, faataga le faaaogāina o, so o se tasi o tofiga ua faasinomia i totonu o le faafuaiupu (1) e solia ai lena aiaiga; po o

(b) ua faafaigaluegaina po o ua faaaogāina so o se tagata i lalo o le tofiga ua faasinomia i totonu o le faafuaiupu (1) e solia ai o lena aiaiga,

ua faia o se soligatulafono ma e noatia i luga o se moliaga ua faamaonia faaletulafono i se sala tupe e lē silia le 1,000 iunite tau faasalaga po o le nofosala i le falepuipui mo se vaitaimi e lē silia le tolu (3) masina, po o ia faasalaga uma e lua.

62. Ia avea le Sosaiete a Loia ma vaega auai i taualumaga-

(1) O se tagata o ia lea:

(a) ua talosaga i lalo o lenei Tulafono i le Faamsinoga Sili mo so o se poloaiga; po o

- (b) ua talosaga tetee i lalo o lenei Tulafono i le Faamasinoga Sili e faasaga i so o se poloaiga po o se faaiuga ua faia i lalo o le pule faataga a lenei Tulafono; po o
- (c) ua talosaga tetee i le Faamasinoga o Talosaga e faasaga i so o se poloaiga po o se faaiuga a le Faamasinoga Sili ua faia i lalo o lenei Tulafono,

e tatau ona faaoo atu se faasilasilaga o lana talosaga po o le talosaga tetee i le Failautusi.

(2) E tatau ona avea le Sosaiete a Loia ma vaega auai i so o se taualumaga ua faasinomia i totonu o le faafuaiupu (1), ma e agavaa ina ia i ai sona sui ma ia fofogaina i luma o se faamasinoga.

(3) Mo le faamoemoe o taualumaga i totonu o le faafuaiupu (2), o le Sosaiete a Loia i le avea ai ma vaega auai, e i ai le aia tatau e talosaga ai i le Faamasinoga o Talosaga.

63. Faaeeina atu o matafaioi i isi faalapotopotoga faaletulafono-(1) Afaí ua lē mafaia e le Fono ona faatinoina lelei aiaiga o lenei Tulafono mo le manuia o le galuega faa-loia ma tagata lautele, e mafai e Le Ao o le Malo, i le faia i luga o le fautuaga a le Kapaneta, ona poloia e faapea o so o se matafaioi ua taua i totonu o le faafuaiupu (2), ia faasee ese mai le Sosaiete a Loia ma faaee atu i se Komiti Faatino o Galuega Faa-loia, po o isi faalapotopotoga faaletulafono, ua faavaeina ma tuuina atu i ai o malosiaga e Tulafono Faatonutonu.

(2) O matafaioi ia e mafai ona aveesea mai le Sosaiete a Loia ma faaee atu i se isi faalapotopotoga faaletulafono i lalo o le faafuaiupu (1) e aofia ai so o se tasi o itu nei:

- (a) le suesueina o tagata talosaga mo le faauluina i lalo o le fuaiupu 25;
- (b) le tuuina atu o tusi faamaonia i lalo o le fuaiupu 25;
- (c) le sueina faasuetusi o teugatupe tausi ma le faamalosia o noataga i lalo o le Vaega VI;
- (d) le tuuina atu o tusi faamaoni e galue ai;
- (e) so o se itu o taualumaga tau amioga pulea ua faaee atu i le Fono i lalo o le Vaega VII;
- (f) le faia o Tulafono Faafoe.

64. Tuusaunoaga o noataga-(1) O lenei fuaiupu e faaaogā ia i latou nei ua taua:

- (a) o Le Ao o le Malo;
- (b) o le Minisita;
- (c) o se sui o le Fono;
- (d) o le Resitara;
- (e) o le Failautusi;
- (f) o se sui auai o le Komiti o Faasea po o se komisi faamasino e faatonutonuina amio;
- (g) so o se isi lava tagata ua faatagaina e tauaveina so o se galuega tauave, tiute po o se malosiaga i lalo o lenei Tulafono.

(2) O se tagata o ia lea o faaaogā i ai lenei fuaiupu e lē noatia lena lava tagata mo le tauaveina po o ua lē mafai ona tauaveina, i le agaga lelei, o se galuega tauave, tiute po o se malosiaga i lalo o lenei Tulafono.

65. Tulafono Faatonutonu-(1) E mafai e Le Ao o le Malo, i le faia i luga o le fautuaga a le Kapaneta, ona faia o tulafono faatonutonu mo le faamoemoe o le faamamaluina o aiaiga o lenei Tulafono, ma aemaise ai o tulafono faatonutonu e faasino i itu nei ua taua e faapea:

- (a) so o se mataupu lea ua fuafuaina i ai tulafono faatonutonu e lenei Tulafono;
- (b) so o se fuafuaga mo le aloaaina o le faauluina faafetauiai ma loia i isi puleaga faa-faamasinoga;
- (c) so o se isi lava manaoga e faamautu ai le tausisia o maliega ma faatulagaga i Samoa e faasino i aia tatau i fefaatauaiga ma pisinisi, ma i le aiaiga o auauanga tau le galuega;
- (d) so o se fuafuaga e faatagaina ai kamupani loia e tuufaatasia e avea o kamupani po o isi faalapotopotoga, ma so o se itu faasaina, faatapulaaina po o manaoga ia e faaaogā i ia fuafuaga;
- (e) so o se manaoga e faatatau i le faaaogāina o faaputugatupe o umia e le Sosaiete mai le tuuina atu o tusi faamaoni e galue ai, e aofia ai le tuuina atu o le lagolago tau tupe mo -

- (i) polokalame o aoaoga faaauau;
- (ii) fuafuaga mo fesoasoani faaletulafono ma mo le tuuina atu o auauanaga faaletulafono i nuu ma alaala faga;
- (iii) so o se faaputugatupe o tausia tulaga moni ma le faamaoni ua faavaeina mo faamoemoega o taui e tuuina atu i tagata o faaaogāina le auauanaga a loia ua latou faaaogā sese faaputugatupe tausi;
- (f) so o se taulumaga ma noataga mo le toe iloiloina o totogi faaletulafono ua faaee atu e loia, ma vaifofo e avanoa i ai tagata o faaaogāina le auauanaga a loia, o i latou ia sa ono mafai ona faaee atu i ai totogi faasili;
- (g) mataupu e faasino i totogi faasili o totogifuapauina faaletulafono ma totogi i luga o mokesi ma isi pepa aloaia tau faamalumaluga;
- (h) so o se fuafuaga mo le faaaogāina o tupe tului e mafai ona totogi atu i luga o teugatupe tausi o tausia e loia, e aofia ai le faaaogāina o ia faaputugatupe mo so o se faamoemoe ua faamaotiina i totonu o le parakalafa (e);
- (i) so o se manaoga mo loia ina ia tausia o inisiua tau puipuiga, ma fuafuaga mo le tuuina atu o ia inisiua i lalo o le faatulagaga ua faamaonia e le Sosaiete a Loia;
- (j) so o se totogifuapauina e totogi e loia pe a faauluina ma mo tusi faamaoni e galue ai e lagolagosua ai i auauanaga tau faletusi o tulafono po o so o se isi lava faamoemoe ua faatonuina;
- (k) faatonuina o le fua faatatau o totogi o Loia faufautua pe afai e le o faamalieina le Minisita e faapea sa faia lava o fuafuaga talafeagai;
- (l) o le sueina faasuetusi o teugatupe tausi, e aofia ai le sueina faasuetusi o teugatupe tausi e se suetusi sumaoti e faavae i luga o se faasea e uiga i so o se teugatupe tausi;

- (m) o le tuuina atu i le suetusi o tusi, pepa, ma faamatalaga tau tupe, i le noatia ma le fai fuafua i ia tuutuuga e pei ona faatonuina;
- (n) o tagata e ao ona auina atu i ai lipoti a suetusi mo le asiasi, faamatalaga, po o faamaumauga;
- (o) so o se noataga o agatapuia ina ia mataituina e le suetusi, ina ia puipuia ai le va fealoai o loia faufautua/tagata o faaaogāina le auaunaga, ma mafuaaga e lē mafai ai ona faaaogā o ia noataga;
- (p) so o se tupe totogi o totogifupauina a le suetusi e le loia faufautua;
- (q) so o se isi lava mataupu e faamautinoa ai o teugatupe tausi uma o lo o lelei ona tausia ma sueina faasuetusi, ma o tagata ua faamanuiaina e agavaa i tupe ma faamalumaluga o umia e loia faufautua i luga o le tulaga faatuatuaina e mauaina o faamatalaga atoatoa e tusa ai o ia mataupu;
- (r) faatonuina o malosiaga ma taualumaga mo le tauaveina o le pulega o se galuega faa-loia;
- (s) so o se taualumaga ma isi galuega tauave, tiute ma malosiaga o le Komiti o Faasea po o komisi faamasino e faatonutonuina amio;
- (t) faatonutonuina o tagata ofisa faaletulafono ma loia faatoa amata i le galuega, e aofia ai itu nei -
 - (i) faaeeina atu o noataga i loia o faafaigaluegaina po o faaaogāina tagata ofisa faaletulafono ma loia faatoa amata i le galuega, e vaavaaia a latou galuega ma gaoioiga, ma ia nafa faaletulafono mo i latou;
 - (ii) faavaeina o fono po o faalapotopotoga, po o le faaee atu o le pule faataga i so o se Fono, e faatonutonu ai tagata ofisa faaletulafono ma loia faatoa amata i le galuega e ala i le faatinoina o taualumaga o le faamauin, faatonuina o le amio ma so o se isi lava mataupu e talafeagai mo le faatonutonuina lelei o latou galuega po o gaoioiga;

(iii) ia amanaia o faalapotopotoga a tagata ofisa faaletulafono ma loia faatoa amata i le galuega, ma le faaee atu ia i latou o galuega tauave ma malosiaga e faasino i le faatonutonuina o tagata o lo o tauaveina o ia galuega ma gaoioiga;

(iv) faatonuina o agavaa, tomai faapitoa po o aoaoga talafeagai mo se tagata o le a faamauina e avea ma tagata ofisa faaletulafono ma loia faatoa amata i le galuega, ma ia faaauau ona ia faapea ona faamauina;

(v) fuafuaina o mataupu tau le galuega o tomai faapitoa, ma ia faaaogā ma faamalosia o tulaga faataatitia tau tomai faapitoa;

(vi) faatonuina o mataupu e faasino i le faamauina o tagata ofisa faaletulafono ma loia faatoa amata i le galuega ia e ogatasi ma lenei Tulafono;

(vii) faatonuina o soligatulafono e faasino i le galuega ma gaoioiga a tagata ofisa faaletulafono ma loia faatoa amata i le galuega.

(2) O le solia o so o se tulafono faatonutonu e faasino i teugatupe tausi, o le amio e lē tusa ai lea tau le galuega.

(3) O soligatulafono mo tulafono faatonutonu ua faia mo le faamoemoe o lenei Tulafono e mafai ona faatonuina ai se sala tupe e lē silia le 1,000 iunite tau faasalaga po o le nofosala i le falepuipui mo se vaitaimi e lē silia le ono (6) masina, po o ia faasalaga uma e lua.

66. Soloia ma teuteuga-(1) Ua soloia le Tulafono o Alii Loia 1976.

(2) O se faasinomaga i totonu o se tulafono, pepa faaletulafono po o se pepa aloaia i:

(a) le Tulafono ua soloia, ua avea lea o se faasinomaga i lenei Tulafono; ma

(b) so o se fuaitau, tofi po o se igoa o faaaogāina i totonu o le Tulafono ua soloia, ua avea lea o se faasinomaga i le fuaitau e tutusa, tofi po o le igoa ua faaaogāina i lalo o lenei Tulafono,

ma lena tulafono, pepa faaletulafono po o se pepa aloaia ua avea e faapea ua teuteuina.

67. Aiaiga faasaoina ma aiaiga tau soloaiga-(1) O loia uma ua faauluina i le taimi nei e avea ma loia po o loia faufautua i lalo o le Tulafono ua soloia, e faaauau pea e peiseai na faauluina i latou e avea o loia ma loia faufautua i lalo o lenei Tulafono. Peitai, e ao i le Resitara ona tusia suafa o na loia i totonu o le tusi e faamau ai suafa o loia e galulue tumau po o le tusi e faamau ai suafa o loia ma loia faufautua e galulue lē tumau i lalo o lenei Tulafono.

(2) O sui auai o le Fono ua filifilia po o tagata ofisa ma komiti ua tofia i lalo o le Tulafono ua soloia, e faaauau pea e peiseai sa filifilia i latou pe sa tofia i lalo o lenei Tulafono seia muta o latou vaitaimi i le tofi po o ua aveesea i latou po o ua faamutaina le galue i lalo o lenei Tulafono.

(3) O Tusi faamaoni uma e galue ai ua tuuina atu i lalo o le Tulafono ua soloia, e tatau ona faaauau le i ai pea o le malosi atoatoa ma aloaia seia oo i le aso 31 Tesema, e sosoo ma le amataga o lenei Tulafono, ma i le tuanai ai o lena aso e tatau i le Failautusi ona faamautinoa le umia e loia uma o tusi faamaoni talafeagai e galulue ai.

(4) O taualumaga uma tau le faatonutonuina o amioga pulea ua amatalia i lalo o le Tulafono ua soloia, e faaauau e peiseai sa faatino ma faagaso i lalo o lenei Tulafono faatasi ai ma so o se suiga talafeagai i le itu i suesuega, moliaga ma le fofogaina ina ia tausisia ai le Vaega VII o lenei Tulafono.

(5) I le amataga o lenei Tulafono, e leai se faasea e tatau ona faia e tusa ai o so o se mafuaaga o se amioga e lē tatau ai tau le galuega po o se amioga e lē tusa ai tau le galuega e le i avea o se mafuaaga mo sea amio po o se amio ua lē tusa ai, a o lumanai ai le amata faamamaluina o lenei Tulafono.

(6) O faasalaga uma o lo o faatali le faataunuina sa faaeeina atu i lalo o le Tulafono ua soloia, o le a faaauau pea e peiseai sa faaeeina atu ia faasalaga i lalo ma noatia i le faataunuina i lalo o lenei Tulafono. Peitai, o le lē mafaia e se loia ona tausisia o se faasalaga o lo o talia ua faaee atu i lalo o le Tulafono ua soloia, o se amio lava lea ua lē tusa ai tau le galuega mo faamoemoega o le Vaega VII o lenei Tulafono.

(7) O Tulafono Faatonutonu po o Tulafono Faafoe sa faia i lalo o le Tulafono ua soloia e uiga i teugatupe tausi a loia, e faaauau pea e peiseai o ia teugatupe tausi sa faia i lalo o lenei Tulafono, vagana ua teuteuina pe soloia e ala i Tulafono Faatonutonu po o Tulafono Faafoe ua faia i lalo o lenei Tulafono.

(8) O Tulafono Faafoe o Amioga Tau le Galuega Faa-loia a Loia ma Loia Faufautua a Samoa ua faia, po o ua faamoeome sa faia i lalo o le Tulafono ua soloia, e faaauau pea e peiseai sa faia i lalo o lenei Tulafono seia oo ina teuteuina pe soloia o ia Tulafono Faafoe e Tulafono Faafoe ua faia i lalo o le fuaiupu 7 o lenei Tulafono.

(9) I le amata faamamaluina o lenei Tulafono, o so o se totogifuapauina ua faatonuina i lalo o le fuaiupu 30 o le Tulafono o Alii Loia 1976, e faaauau pea ma e aloaia i lalo o le fuaiupu 29 o lenei Tulafono.

**O le Tulafono mo Loia ma le Faatinoga o Galuega
Faa-Loia 2014 o lo o faafoeina e le Ofisa o le Loia Sili.**

**Lolomiina e le Failautusi o le Fono Aoao Faitulafono,
i le pule a le Fono Aoao Faitulafono.**